

Nwa wu mwεε **mù Jiso gè dunyε Jon le** **Fiε fi le a Nwa wunε le**

Nwa wunε le kune mwεε mù Jiso Kletu gè dunyε Jon wù Mwa ye wu ntun le. Jon gè san nwa wunε kife kǐ ba gè bvuse wu ba gεεn ba gεε a kingεn kǐ Batmo le. Wu gè san fε bintaashε bi bamii ba mbεmε bi gè bee bvusooshwi le. Wu gè doo wu sanε, wu kε bε mwεε mù Jiso kibεε gè dunyε wu le le wu sǎn wu chiinε fε bintaashε bǐ bvusooshwi biyu le. Fiε fi bii fo, le ngoo yi mwεε mù wesee mù wu gè yene a fiε le nje kifile kune no Nyo lé wu gè wu bvúse bamii ba le be, wu lêese ba befe yi nge le.

Bikwεε bi mwεε mù le a Nwa wunε le

1:1-8 Fεnkeε

1:9-3:22 Kifile kǐ fwe mo banwa ba gεene fε Bintaashε bi bamii ba mbεmε bǐ bvusooshwi le

4:1-8:1 Nwa wù ba gè laanyε manjuu mà bvusooshwi le bε kila

8:2-11:19 Chison chǐ bvusooshwi

12:1-13:18 Kinga ki nyan yi fiεene nyan joo bε nyán yi kuufe ye yifiε

14:1-15:8 Bifile bimi yeye yeye

16:1-21 Bintee bvusooshwi bǐ shén yi Nyo yi bεene

17:1-20:10 Ba læshε Babilon bε nyan yi kuufe ye mo bamii ba ntun wu Nyo ba chimbian mo debele

20:11-15 Nsa wù fεkimεε

21:1-22:5 Wonɔ wù fɛwe wù fwɛn bɛ nshɛn yifien
mo Yelusalem wù fwɛn
22:6-21 Kimɛɛ

Fɛnkeɛ

¹ Nɔwa wunɛ le kune mwɛɛ mù Nyo gɛ̀ nya Jiso Kletu le ɛ wu dũnyɛ bamii be le, ɛ le mu mù kɛme ki mu gɛ̀ mu kɔoshi kife kɔ shige le. Jiso Kletu mo wu tun nchɛndaa we fɛ muh we wu ɛme wù Jon le ki wu gɛ̀ le bo kɛɛ mwɛɛ muyu.

² Wu mo wu san fɛɛ fichii fi wu gɛ̀ yɛn le, nyu jɛ yi Nyo yinɛ bɛ mwɛɛ mù Jiso Kletu gɛ̀ jɛmɛ wu le.

³ Njon wù baan lé wu nyũme fɛ muh wù tɛnɛ ntun wu Nyo wunɛ le. Njon wù baan lé wu gɛ̀ wu nyũ tɛ fɛ bamii ba yuge fɛɛ fi ba san a nɔwa wunɛ le bo gɛɛde, nje kife ki mwɛɛ muyu le wa mbebe le.

Jon nya n'yɛɛ bintaashɛ bi bamii ba mbɛmɛ bi bvusooshwi le

⁴ Le mɛ wù Jon, nsanɛ nɔwa wunɛ fɛ bintaashɛ bi bamii ba mbɛmɛ bi bvusooshwi bi le bimbe bi won wù ɛsia le. Fitele fi jonɛ bɛ nyiɛgee wù jade fɛ Nyo le nyũme fɛ bɛn le. Le wu wù le, wu gɛ̀ bee wa, wu nyume wu gɛ̀ wu tɔ. Fitele fi jonɛ bɛ nyiɛgee wunɛ le tɛ wù jade fɛ biyo bi bvusooshwi bi le fwe a kala we le,

⁵ mo fɛ Jiso Kletu le, wù le gɛh wu wù to wu duunyi fɛɛ fi nchiɛɛn kune Nyo, bamii le. Gɛ̀ bee muh wù fwe ki wu káasɛ wu bu yi kwe le. Nyu wu wù sage banfon bachii ba yi nshɛn le. N'yuuɛ nyũme fɛ wu le. Le wu wù konɛ besabɛn, wu gɛ̀ bvusɛ besabɛn chiaa yi bimbefɛ biɛsa besabɛn le bɛ kilɛmɛ ke.

⁶ Wu le wu ge besabεη nyume bamii ba bvunfon, wu le wu ge besabεη nyume bachiji kintanyε ba Nyo wù le Nyo mo Chiji. Bvukugε bε bεεηsε wuchii nyûme fε wu le segechii wu kage gε. Fi nyûme noo.

⁷ Bεη jîηε bεη yêη, Jiso too lo, wu nyu wu ge wu tô yi kimbε le. Bamii bachii lé bo gê bo yêη wu le mo bamii ba gè bonε wu bε goon. Bituη bi yi nshεη le bichii lé bi gê bi wânε kwe nje wu. Nε no fi lé fi gê fi nyûme. Fi nyûme noo.

⁸ Tada Nyo duu ε le wu wù Afa, nyume Omεga. Le wu wù le, wù gè bee wa, wu nyume wu gê wu tô. Le wu wù le Bvunğa Bvuchii.

Jon yεη Jiso le

⁹ Le mε wù Jon, Mwa bwee wene yi Jiso le, besabεη bachii yεne ηgε nje wu, nyu a bvunfon bwe ntεnεε, bee kaane shéη yi mwεε le munchii. Ngè bee a kîngεη ki Batmo le ba gè bvuse lo mε, nje jε yi Nyo yî ngè feeji, ηka nsεηε kune Jiso.

¹⁰ Lε to nyume juu chi Tada, mε nyume chiaaη yi Kiyo ki Nyo le, nja n'yu jε jεmε a mε jin fεwεεwe nje son.

¹¹ Yi gè jεme yi duu le, “Sân mwεε mù wo yεde munε a ηwa le, wo chíîηsε a bintaashε bi bamii ba mbεmε bî bvusooshwi a bilaantεη bî le: Efesu, Simina, Bεgamu, Tayatila, Saldi bε Filadεfia mo Lawdεsia le.”

¹² Mε mo ηkaase ye ki n'yêη muh wù jεme mεne. Ndoo ηkaase, n'yεη mwεε mù ba toome bin'yese yi yu le bvusooshwi ba kεnyε bε kichwa ki bige kî yεεde.

¹³ Muh mu nyume antɛnɛɛ a mwɛɛ mù ba toome bin'yesɛ yu mayu le nɛ muh wù jee che le Mwa-muh, wu non kikuŋ kɪ ndefe, wu kaan fiɛɛ nɛ ɲ'wa yi gvuu le ba kɛnyɛ bɛ kichwa ki bige kɪ yɛɛde.

¹⁴ Yvu ye yi kikwɛɛ gɛ̀ baan nɛ ndan wù baan nɛ bvuuu nɛ abe, ajii awe bɛde nɛ lɛmɛ chi ɲgu lɛ.

¹⁵ Bikaa bie gɛ̀ bee nɛ shɪɲeshɪɲɛ nɛ kichwa kɪ ba ton a kilamɛ le, jɛ ye kfuunɛ nɛ joo yɪ gwee.

¹⁶ Wu gɛ̀ kɛmɛ jón bvusooshwi a kibo ke kinchiɛɛɲ le, nyo yɪ kooɛ bimbe bichii yi bude a wu mu, bvushi bwe baan nɛ juu sege chi baan wesee.

¹⁷ No n'yɛɲ wu le, mɛ mo ɲgwe a wu jii ntu nɛ gvunɛ chi muh. Wu gɛɛ kibo ke kinchiɛɛɲ ye yan le wu jɛmɛ lɛ, “**Keefɛ wo fâane gɛ. Le mɛ wù Fwe, nyume mɛ Kijimɛ.**

¹⁸ **Le mɛ wù nle yu. Ngɛ̀ bee ɲkwe, geenɛ, ɲkaase ntu yu, nlé ɲgê nyûme yu segechii. Le mɛ wù kɛmɛ kinɲwenyɛ ki kwe bɛ ki won wu banɲkfu.**

¹⁹ **Noo, sâɲ mwɛɛ munɛ mù wo yɛɛde, mwɛɛ mù le mɛɛɛɛ bɛ mù lé mu gɛ̀ mu kôoshɛ ajin ayu.**

²⁰ **Kinyilɛ ki fiɛɛ fi jón yɪ bvusooshwi chiɛɛ yɪ wo be yɛɲ a kibo kan kinchiɛɛɲ le bɛ mwɛɛ mù bvusooshwi mwɛɛ mù ba kɛnyi bɛ kichwa ki bige kɪ yɛɛde mù ba toome bin'yesɛ yu duunyi nyu finɛ: Jón yɪ bvusooshwi chiɛɛ le banchɛndaa ba Nyo ba le ba bintaashɛ bi bamii ba mbɛmɛ bi bvusooshwi biyu, mwɛɛ mù bvusooshwi mwɛɛ mù ba toome bin'yesɛ yi mu le, le bintaashɛ bi bamii ba mbɛmɛ bi bvusooshwi biyu.”**

2

Ntuɲ wù Jiso wù gɛɛne fɛ kintaashɛ ki bamii ba

mbɛmɛ ki Efɛsu le

¹ Muh wù ngè n'yɛn wɛɛ jɛmɛ mɛne lɛ, “Sân nwa fɛ nchɛndaa wu Nyo wu kintaasɛ ki bamii ba mbɛmɛ ki Efɛsu le lɛ, ‘Wunɛ le njɛmɛ wù wuwɛɛ wù jiji jón yí bvusooshwi le a kibo ke kinchiɛɛn le, wu jienyi antɛnɛɛ a mwɛɛ mù bvusooshwi mù ba kɛnyi bɛ kichwa ki bigɛ kɪ yɛɛde mù ba toome bin'yɛsɛ yu wɛ:

² Nkɛɛ gɛɛ chɛna bɛ no bɛn lɛnɛ bɛn bunyi, nkɛɛ tɛ shɛn yí bɛn kaanɛ bɛ no tanlo bɛn gɛ bɛɛn fiɛɛ fɪ bamii ba bɛfɛ too bɛ fɪ lɛ gɛ. Bɛn lɛ bɛn mon wa bamii baa ba tɛnɛ bikwɛɛ biboo lɛ bo lɛ boon ba ntun ba Jiso bo ya nyumɛ gɛ, bɛn yɛn lɛ bo lɛ bamii ba chimbian.

³ Nkɛɛ no bɛn kaanɛ shɛn chuulɛ yi fiɛɛ lɛ fichii nje mɛ bɛn fwɛɛnɛ gɛ.

⁴ Geɛnɛ, fiɛɛ fimi lɛ yu fɪ nkɛmɛ kune bɛn fɪ baan jon gɛ mɛnɛ gɛ. Gɛ bɛn baan bɛn kɛmɛ kinjonɛ kɪ bɛn gè shɛɛ bɛn kɛmɛ fwɛɛlɛ gɛ.

⁵ Bɛn kwâjɛ no bɛn gè shɛɛ bɛn nyumɛ fɛ bɛn ja bɛn gwe. Bɛn kûsɛ muntele mwɛna bɛn kâasɛ bɛn gɛɛ no bɛn gè gɛɛ fwɛɛlɛ. Nɛ bɛn baan kusɛ gɛ, nge ntô nchîaasɛ fiɛɛ fienɛ fɪ ba toome kin'yɛsɛ yu fɛ fɪ lɛmɛ fo.

⁶ Geɛnɛ, fiɛɛ fɪ kooji fɪ bɛn gɛɛ lɛ lɛ bɛn banɛ gɛɛ chi ngoo yi bamii ba Nikola, nyu fiɛɛ fɪ mbanɛ tɛ.

⁷ Muh wù kɛmɛ bintun, wu yû fiɛɛ fɪ Kiyo ki Nyo jɛmɛ bintaasɛ bi bamii ba mbɛmɛ lɛ. Muh wù lé wu gɛ wu sô, nlé ngê nyâ je wu jɪ muntan mu kite kɪ nyaa kinche, kɪ lɛ fɛ kijusɛ ki njon wu Nyo lɛ.’ ”

*Ntun wu Jiso wù gɛɛnɛ fɛ kintaasɛ
ki bamii ba mbɛmɛ ki Simina*

⁸ Muh wuyu ka wu jɛmɛ mɛnɛ lɛ, “Sâŋ ŋwa fɛ nchɛndaa wu Nyo wu kintaashɛ ki bamii ba mbɛmɛ ki Simina lɛ lɛ, ‘Wunɛ le nɛmɛ wù wuwɛɛ wù le wu Fwe, wu nyu kijimɛ. Le wu wù gɛ̀ kwe wu kaasɛ wu nyu yu:

⁹ Nkɛɛ banɛ ba bɛŋ yɛnɛ mo kifufɛ kena, geenɛ bɛŋ le bamii ba bvukugɛ. Nkɛɛ jɛ̀ yɛ̀ befɛ yɛ̀ bamii jɛmɛ kune bɛŋ. Bo tɛŋɛ bikwɛɛ biboo lɛ bo le Bajuu, bo nyu gɛ. Bo nyu yi ŋgoo yi Satan lɛ.

¹⁰ Keefɛ bɛŋ fâanɛ banɛ ba bɛŋ lé bɛŋ gɛ̀ bɛŋ yêŋ le gɛ. Bɛŋ yêgɛ bɛŋ yû, debele le wa ki wu lêesɛ bɛŋ bamu yeh yi ncha le ki wu môŋ bɛŋ. Bɛŋ lé bɛŋ gɛ̀ bɛŋ yêŋ ŋgɛ yi aju le yuufɛ. Mo nyumɛ ki bɛŋ kwê, bɛŋ lêmɛ gɛh bɛŋ tɛmɛ, noo nlé ŋgê nnyâ kifo ki bvunfonɔ̀ kɪ le kinche kɪ kage gɛ bɛŋ le.

¹¹ Muh wù kɛmɛ bintunɔ̀, wu yû fiɛɛ fɪ Kiyo ki Nyo jɛmɛ bintaashɛ bi bamii ba mbɛmɛ le. Muh wù lé wu gɛ̀ wu sô, gɛ kwe yɛ̀ kinɔ̀gane kinfiɛɛ kûŋ wu le gɛ.’ ”

*Ntunɔ̀ wu Jiso wù gɛɛnɛ fɛ kintaashɛ
ki bamii ba mbɛmɛ ki Bɛgamu le*

¹² Wu ka wu jɛmɛ mɛnɛ lɛ, “Sâŋ ŋwa fɛ nchɛndaa wu Nyo wu kintaashɛ ki bamii ba mbɛmɛ ki Bɛgamu le lɛ, ‘Wunɛ le nɛmɛ wù wuwɛɛ wù kɛmɛ nyo yɛ̀ koodɛ bimbe bichii:

¹³ Nkɛɛ fɛ bɛŋ chee fo. Bɛŋ chee fɛ kala wu Satan le fo kibɛɛ. Geenɛ bɛŋ lɛmɛ gɛh yi jee chanɔ̀ le bɛŋ tɛmɛ. Bɛŋ gɛ̀ baanɔ̀ fanɔ̀ gɛ ki bɛŋ lêesɛ fiteɛɛ yi ye yanɔ̀ le yi aju Antiba wù muh wanɔ̀ wù nchiɛɛŋ le gɛ. Wu gɛ̀ jɛmɛ kune mɛ, ba yuuyɛ wu a bɛŋ ntɛnɛɛ fɛɛ fɛ Satan chee fo.

¹⁴ Geenɛ, ɲkɛmɛ mwɛɛ mumu shige kune bɛɲ mù baan mɛnɛ jon gɛ. Bamii bamu le yu ɲgoo yɛnɛ le bò bii n'yɛyɛ wù Balaan gè teefe Balak yu lɛ wu gè fiɛɛ fi boon ba Ishwala banɛ yu bo gwe. Wu gè ge bo jii mwɛɛ munjile mù ba ge kintanyɛ yu fɛ banyo le wu ka wu ge bo chee kinche ki nyien yi kinjan.

¹⁵ Le gɛh yɛɛɲyɛɛɲ no bɛɲ kɛmɛ tɛ bamii bamu ɲgoo yɛnɛ le bò bii n'yɛyɛ wu bamii ba Nikola le.

¹⁶ Noo, bɛɲ kùsɛ muntele mwɛna. Nɛ bɛɲ baan kuse gɛ, tu nlé ntô kife kɔ shige le n'jû bamii bayu bɛ nyo yɔ bude a mɛ mu.

¹⁷ Muh wù kɛmɛ bintun, wu yû fiɛɛ fi Kiyɔ ki Nyo jɛmɛ bintaashɛ bi bamii ba mbɛmɛ le. Muh wù lé wu gè wu sô, nlé ɲgê n'jô fɛ mana wù ba gè nyilɛ le nnyâ wu yu, ɲka nnyâ wu tɛdɛ chɔ baan chɔ ba san jee chɔ fɛɲ yu muh nyume gɛ yu wù kee jee chiyu fede muh wù fi tɛdɛ chiyu gɛ.' ”

*Ntun wu Jiso wù gɛɛnɛ fɛ kintaashɛ
ki bamii ba mbɛmɛ ki Tayatila le*

¹⁸ Muh wuyu ka wu jɛmɛ mɛnɛ lɛ, “Sân ɲwa fɛ nchɛndaa wu Nyo wu kintaashɛ ki bamii ba mbɛmɛ ki Tayatila le lɛ, ‘Wunɛ le ɲjɛmɛ wu Mwa Nyo. Le wu wù ajii awe bɛɛdɛ ɲjɛ lɛmɛ chi ɲgu, bikaa bie le shinɛshinɛ ɲjɛ kichwa kɔ ba ton fɛ kilamɛ le:

¹⁹ ɲkee gee chena, ɲkee no bɛɲ kɛmɛ kinɲonɛ, ɲkee tɛ fitele fi bɛɲ leese yi ye yan le mo lɛmɛ chɔ bɛɲ lɛnɛ bɛ no bɛɲ kaane shɛɲ. ɲkee tɛ lɛ gee chena chɔ mɛɛsɛ jonɛ chi fede chɔ bɛɲ gè kɛmɛ fwɛɛle.

²⁰ Geenɛ, fiɛɛ fimi le yu fi ɲkɛmɛ kune bɛɲ fi baan jon gɛ mɛnɛ gɛ. Bɛɲ le bɛɲ chinɛ kwɛsɛ wù Jesɛbɛl wɛɛ le wu tu wu gee fiɛɛ fi wu gee. Wu tɛɲɛ kikwɛɛ

ke le wu le muh wu ntun wu Nyo, wu leede bamii ban be n'ye ye we, wu gee bo gee kinche ki nyien yi kinjan, bo ka bo jii mwεε munjile mù ba le ba ge kintanyε yu fe banyo le.

²¹ Nle nnya wu kife ki wu kuse fitele fie, geenε wu fan ki wu kuse kinche ke ki kinjikuu.

²² Ben yege ben yu, nle nge ntun kinchen yi ye ye le ki nguise wu fenta mo bamii ba be bo gee nyien yi kinjan bo ngeese lo, fuge ge le bo kuse bo ge ka bo bii gee chi kwese wuyu le ge.

²³ Nle nge yuyε boon be ba ngoo. Noo, bintaashe bi bamii ba mbeme bichii mo bi ke le le me wu kee mwεε mù le shen yi bamii le be mù le a muntele le. Nle nge nlanε muh wuchii mbii no leme che le.

²⁴ Geenε, ben bamu baa ba le Tayatila ba leme ge fe wune n'ye ye le ge, ge bo ye yi te fie fi bamii bamu tene le mwεε mu Satan mù nyile le ge, njeme le ge tanlo nka ngeε bvujije bvumu ye yene le ge.

²⁵ Fi le geh le, ben jije fie fi ben keme le fi teme, gēen bū no nle nge ntó.

²⁶ Muh wu le wu ge wu so, wu gee leme chi nkonε wu geen wu mese, nle nge nnyá wu be bvunga wu nyu awe a bitun.

²⁷ Geh yeenyeen no Chii le wu nya bvunga mene, nle nge nnyá bvunga wu sage be kitoomε ki kichvu, wu bwēyi bi yu nje shaan yi ba maa, yi ba bwēye bimbεge le bimbεge le.

²⁸ Nle nge nnyá te wu be jon yi a yule.

²⁹ Muh wu keme bintun, wu yu fie fi Kiyo ki Nyo jeme bintaashe bi bamii ba mbeme le.' "

*Ntuŋ wu Jiso wù gɛɛne fɛ kintaashe
ki bamii ba mbɛmɛ ki Saldi le*

¹ Muh wù ngɛ̀ n'yɛŋ wɛɛ ka wu jɛmɛ mɛne lɛ, “Sân ŋwa fɛ nchɛndaa wu Nyo wu kintaashe ki bamii ba mbɛmɛ ki Saldi le lɛ, ‘Wunɛ le njɛmɛ wù wuwɛɛ wù kɛmɛ biyo bi Nyo bɪ bvusooshwi mo jóŋ yɪ bvusooshwi: Nkee gee chena. Bɛŋ duunyi fɛ bamii le lɛ bɛŋ baan ba wuŋ geene bɛŋ nyume bɛŋ kweeyɛ wa.

² Bɛŋ kânse, bɛŋ taa bvunga yi fiɛɛ fi shɛshi wa tɛ jwe wu kwe le. Bɛŋ kɛɛ lɛ mbaan n'yɛŋ gɛ gee chena jonɛ chi gɛɛne chi mɛɛsɛ a Nyo wan jii gɛ.

³ Bɛŋ kwâjɛ fiɛɛ fi bɛŋ gɛ̀ fi, le fi fi bɛŋ gɛ̀ yu. Bɛŋ jiji fiɛɛ fiyu le, bɛŋ kûsɛ muntele mwɛna. Nɛ bɛŋ baan kanse gɛ, tu nlé ngê njâ ntô fɛ bɛŋ le nje chon, bɛŋ kee gɛ kife kiyu gɛ.

⁴ Geenɛ, bɛŋ kɛmɛ bamii bamu shige Saldi bo baan yiisɛ gɛ njú yiboo gɛ. Bobaa lé bo gɛ̀ bo jienyi besa bo, bo non njú yɪ baan, nje le bamii ba kooji.

⁵ Muh wù lé wu gɛ̀ wu sô lé wu jii tɛ njú yɪ baan. Gɛ wuwɛɛ muh mɛ nyume ngê nchiiɛ jee che a ŋwa wù bamii ba kɛmɛ kinche kɪ kage gɛ le. Nlé ngê njɛmɛ bɛ jwe wan kune wu fwe a Chii bɛ banchɛndaa be lɛ nkee wu.

⁶ Muh wù kɛmɛ bintuŋ, wu yû fiɛɛ fi Kiyo ki Nyo jɛmɛ bintaashe bi bamii ba mbɛmɛ le.’ ”

*Ntuŋ wu Jiso wù gɛɛne fɛ kintaashe
ki bamii ba mbɛmɛ ki Filadɛfia le*

⁷ Muh wuyu ka wu jɛmɛ mɛne lɛ, “Sân ŋwa fɛ nchɛndaa wu Nyo wu kintaashe ki bamii ba mbɛmɛ ki Filadɛfia le lɛ, ‘Wunɛ le njɛmɛ wù wuwɛɛ wù yuude wù ka nyu muh wù nchiɛŋ. Le wu

wù kɛmɛ kɪŋgwenyɛ ki bvunfonɔ bvɔ Dabi lɛ. Wu gwenyi, muh gɛ nyu yu wù faa gɛ, wu faa, muh gɛ nyu yu wù gwenyɛ gɛ:

⁸ Nkɛɛ gɛɛ chɛna. Bɛŋ yɛgɛ bɛŋ yû, nle ŋgwenyɛ kimbunɔ fɛ bɛŋ lɛ nchinɛ kiyɛsɛ, gɛ muh nyu yu wù tanlo wu faa ki gɛ. Nkɛɛ lo lɛ gɛ bɛŋ kɛmɛ bvunɔa chuule gɛ, gɛnɛ bɛŋ gɛɛdɛ gɛ njɛmɛ wan. Bɛŋ baan mɛ fan gɛ.

⁹ Bɛŋ yɛgɛ bɛŋ yû, bamii baa ba lɛ ŋgoo yi Satan lɛ bô duu lɛ bo lɛ Bajuu bo mbiane lo, bo nyu gɛ Bajuu gɛ, nlɛ ŋgê bo tô bo gwê bikaa biɛna lɛ bɛŋ mo bɛŋ kêɛ lɛ ŋkoŋɛ bɛŋ.

¹⁰ No bɛŋ lɛ bɛŋ gɛɛ njɛmɛ wan kune ki bɛŋ kâane shɛŋ, nlɛ ŋgê nchɛɛŋ bɛŋ yi kife kɪ mmonɔ lé wu gɛ wu tôo yi kikwɛɛ ki nshɛŋ lɛ ki wu môn bamii bachii ba lɛ yi nshɛŋ lɛ.

¹¹ Ntoɔ wa kife kɪ shigɛ lɛ. Bɛŋ jɪjɛ fiɛɛ fi bɛŋ kɛmɛ lɛ fi tɛmɛ, wu lɛ keefɛ muh mu gɛ wu fi kifo kena ki bvunfonɔ gɛ.

¹² Muh wù lé wu gɛ wu sô, nlɛ ŋgê wu nyû kintoonɔ ki yɛh yi kintanyɛ yi Nyo wan lɛ. Gɛ tanlo wu yu wu bú yu gɛ. Nlɛ ŋgê nsân jɛɛ chi Nyo wan yi yɛ yɛ lɛ bɛ jɛɛ chi kilaantɛŋ ki Nyo wan kɪ lɛ Yɛlusalɛm wù fwɛŋ wù bude fɛ Nyo wan lɛ fɛwɛ. Nlɛ ŋgê nsân tɛ jɛɛ chanɔ chɪ fɛŋ yi yɛ yɛ lɛ.

¹³ Muh wù kɛmɛ bintunɔ, wu yû fiɛɛ fi Kiyo ki Nyo jɛmɛ bintaashɛ bi bamii ba mbɛmɛ lɛ.’ ”

*Ntun wu Jiso wù gɛɛnɛ fɛ kintaashɛ
ki bamii ba mbɛmɛ ki Lawdɛsia lɛ*

¹⁴ Wu ka wu jɛmɛ mɛnɛ lɛ, “Sân ŋwa fɛ nchɛndaa wu Nyo wu kintaashɛ ki bamii ba mbɛmɛ ki Lawdɛsia lɛ lɛ, ‘Wunɛ lɛ njɛmɛ wù wuwɛɛ wù jɛɛ

che le le, Fi Nyûme Noo. Le wuwεε wù to wu lεme yi je ye le, le wu wù sεnje nchiεεη kune Nyo. Le wu wù ηke yi fiεε fichii fi Nyo gè fε le:

¹⁵ Nkee gee chena. Bεη le gεh lo nε! Gε bεη jiεε gε, gε bεη yufe gε. Ngoone le bεη bee bεη jiεε lo kεnε bεη yufe lo.

¹⁶ Noo, no bεη le gεh lo fiena antεnεε bεη jiεε gε kεnε bεη yufe gε, nlé ngê nchûuyε bεη a mε mu.

¹⁷ Bεη duu le bεη le bamii ba kwa bεη ku wa, bεη ka goone gε fiεε gε. Bεη jεme noo bεη yεne gε le fiena le fi fo lo gε? Bεη le bamii ba ba koode yii fε bεη le, bεη nyu bamii ba kifufe, bεη ka nyume binfeen mo bamii ba jienyi bichinε biyεse.

¹⁸ Ngoone ki nteefe bεη le bεη gû kichwa ki bige kî yεede kî ba sun fε kilamε le ki tu ki yuude, bεη mo bεη nyu bamii ba kwa. Bεη gû njú yî baan yî bεη banε bichinε biεna yu, keefe bamii yεde bi le bεη kεme bvuya gε. Bεη gû tε nche yi ajii a mεne yî bεη yêefe ajii awene yu, bεη mo bεη yêde mwεε le.

¹⁹ Bamii ba ηkoηε nto nsage bo yi gee chiboo le, nnya ηgε bo le ki ntêefe bo. Noo, bεη dûnyε ntaη, bεη kûsε muntele mwεna.

²⁰ Bεη yêgε bεη yû, nlεme a yeh fwεεη ηkune. Nε muh yu lo je yan wu gwênyε kimbun, nlé ntô a wu le besa wu lé be gê be jîi mwεε yi fiεε le fimimia.

²¹ Muh wù lé wu gê wu sô, le mε nyu ηgê nnyâ wu kijusε wu shii besa wu yi kala wan le, gεh no ηgè nso nshii besa Chii yi kala we le.

²² Muh wù kεme bintun, wu yû fiεε fi Kiyo ki Nyo jεme bintaashe bi bamii ba mbεmε le.' "

Jon yɛŋ ba nyaa mbɛɛŋsɛ Nyo le fɛwe

¹ Ajin a mwɛɛ mwɛɛ, ŋka mbijɛ, nɛ n'yɛŋ kimbun fɛwe kiyɛsɛ. Jɛ yɛɛ yɪ mbe n'ya yu wa yɪ jɛmɛ mɛnɛ nɛ sɔŋ, yɪ ka yɪ jɛmɛ mɛnɛ lɛ, “**Kɛŋsɛ tɔ fɛnɛ ndũnyɛ wo mwɛɛ mù kɛmɛ ki mu kôoshɛ ajin a kife kinɛ le.**”

² Kimimia, nja ntu chiaaŋ yɪ Kiyɔ ki Nyo le, mɛ mo n'yɛŋ kala le wu nyu fɛwe, muh shii yu.

³ Muh wù gè shilɛ wuyu gè lale nɛ kfuu chi ata amu a tɛɛmɛ kwa ba tɛŋɛ lɛ jasba mo a ba tɛŋɛ lɛ Kanelia, kila daa ki kɛnɛ kala wuyu, ki lale tɛ nɛ tɛdɛ chi ba tɛŋɛ lɛ ɛmelal.

⁴ Bakala bamu mbaanfɛɛ ncho banɛh gè bee bo kɛnɛ kala wuyu, bachɛ bamu shiiyɛ yu mbaanfɛɛ ncho banɛh bo jiiyɛ njú yɪ baan, bo boon bifo bi bvunfon ba kɛnyɛ bɛ kichwa ki bigɛ kɪ yɛɛdɛ.

⁵ Jan yɪ lale gè bude yɪ kala wɛɛ lɛ, yɪ ŋgbwame, yɪ kfuunɛ, bin'yesɛ bɛɛdɛ a kala wuyu fwe bvusooshwi bɪ nyume biyo bi Nyo bɪ bvusooshwi.

⁶ Fɛɛ fimi gè bee tɛ a kala wɛɛ fwe fi fɛɛnɛ joo yɪ baan yimi yɪ yuude nɛ walala nɛ mijoo.

Mwɛɛ mu wunɛ mumu munɛh gè bee mu lɛɛŋ mu kɛnɛ kala wuyu himbe bichii ajii yisɛ lo yɪ mu le fwe bɛ ajin.

⁷ Fɛɛ fi wunɛ fi fwe gè fɛɛnɛ bvule, fi bii fo fɛɛnɛ naa wù jwɛŋsɛ, fi ka bii fo kɛmɛ bvushi nɛ bvumuh lɛ, fi ajin fɛɛnɛ nfa fɛ wu fuunɛ.

⁸ Mwɛɛ mu wunɛ munɛh muyu gè kɛmɛ bibɛɛ bvusoo, bvusoo, mu yisɛ lo bɛ ajii wɛ bɛ kuu. Mwɛɛ muyu to mu yɛɛnɛ antaŋ bɛ fɛnshɛ mu luu gɛ. Mu gè yɛɛnɛ lɛ,

“Nyo yuude lo! Nyo yuude lo! Nyo yuude lo!
Le wu wù Tada Nyo wù Kɛmɛ Bvunɔa Bvuchii.

Le wu wù gè bee wa, wu nyume wu ge wu tô.”

⁹ Mwεε mu wuηe muyu gè doo mu tume mankuη ma Nyo, mu nyaa ηgvune bε kiyone muh wuyu wù le wu shii yi kala le, wù le yu segechii wu kage gε,

¹⁰ bache ba mbaanfiεε ncho banεh baa mo bo gwe bo gεη fwe a wu wù le wu shii yi kala le, bo nyaa mbεεηse wù baan wuwεε wù le yu segechii wu kage gε. Bo doo bo gee noo bo mo bo tu bo baayi bifo biboo bi bvunfonε, bo ginse a kala fwe bo yεεne le,

¹¹ “Wo wù le Tada, wo le Nyo wese,
wo le wo koje wù ba tume mankuη muη,
ba nyaa ηgvune wo le,
ba bεεηse bvunηa bwuη,
nje le wo wù gè fε mwεε munchii,
gè koη wo ki wo fê mu, fε mu nyume yu.”

5

Mwa Shon wù le wu koje ki wu bwêεyε bila bi bvusooshwi

¹ Nka nja n'yεη ηwa wumu le a kibo kinchiεεη ki muh wù gè shile yi kala wεε le, ba san antεη bε akfuunη ba kεbε lo, ba laan manjuu le bvusooshwi bε kila.

² Nja n'yεη tε nchenda wu Nyo wumu wù tεeme le wu wane fεwεεwe wu biide le, “Le yεεη wuyu wù le wu koje ki wu bwêεyε bila binε, wu faanyε ηwa wunε?”

³ Gε muh gè bee yu fεwe kεnε yi nshεη le kεnε a nshεη kuu, wù tanlo wu faanyε ηwa wuyu kεnε wu jinε antεη a ηwa wuyu gε.

4 Mbee kwe baan le gɛ muh gɛ̀ bee yu wù le wu koje wù tanlo wu gwenye nwa wuyu kɛnɛ wu bije antɛn a yu gɛ.

5 Muh mu ngoo yi bache baa le jɛmɛ mɛne le, “Keefe wo bɛede gɛ. Yɛgɛ yù, muh wù ba tɛnɛ le Bvule wù a kfuu chi Juda le ba ka tɛnɛ tɛ le Bia yì bu a kfuu chi Nfon Dabi le wu so wa, le wu wù tanlo wu bwɛɛyɛ bila bɛ bvusooshwi biyu wu faanyɛ nwa wuyu.”*

6 Nja n'yɛn Mwa Shon le wu lɛmɛ antɛnɛɛ a kala bɛ mwɛɛ mu wunɛ mu munɛh mwɛɛ mo bache baa, wu nyume nɛ ba le ba sɛɛ. Wu kɛmɛ biton bvusooshwi bɛ ajii bvusooshwi. Ajii ayu nyu biyo bi Nyo bi bvusooshwi bɛ wu le wu tun bi bu bi gɛɛn yi kɛkwɛ ki nshɛn le kichii.

7 Mwa Shon wuyu mo wu gɛɛn wu fi nwa wɛɛ a kibo kinchiɛɛn ki muh wɛɛ wù gɛ̀ shilɛ yi kala le.

8 No wu fi nwa wuyu noo, mwɛɛ mu wunɛ mu munɛh mwɛɛ bɛ bache ba mbaanfiɛɛ ncho banɛh mo bo gwe bo gɛɛn fɛkuu a Mwa Shon wuyu fwe. Muh wu mumwaa wu mumwaa bo le gɛ̀ kɛmɛ kome bɛ kintee kɛ ba fɛ bɛ kichwa ki bigɛ kɛ yɛɛde, jiin nyu chi yisɛ yo. Jiin chinɛ le buunɛ chi bamii ba le ba Nyo.

9 Mwɛɛ mwɛɛ bɛ bache baa mo bo yɛɛn nkeɛ wumu wù fwɛn wu jɛmɛ le,

“Le wo wù le wo koje ki wo fi nwa wuyu wo bwɛɛyɛ bila biyu,

nje ba gɛ̀ sɛɛ wo, kilɛmɛ kun suun bamii,
chiaan yi kimbefe le wo nya bo Nyo le.

* 5:5 Muh wunɛ wù ba tɛnɛ le Bvule wu a kfuu chi Juda le mo Bia yi bu a kfuu chi Nfon Dabi le, le Mbvuse wù Nyo gɛ̀ ka.

Bamii banɛ bu chikfuu le chichii, bɛ jɛ yichii,
chikfuu chi bamii lɛ chichii mo bitun bichii.

¹⁰ Wo le wo nya bo bvunfon,
wo ge bo tu bo nyu bachiji kintanyɛ ba Nyo wese
besabɛɲ.

Bo nyu bo ge bo sage yi nshɛɲ le.”

¹¹ Ndoɔ ɲka n'jiɲɛ, nja n'yu jɛ yi banchɛndaa
ba Nyo ba nyu lo banchvuge le banchvuge le bɛ
bamala le bamala le. Bo gɛ̀ bee bo lɛme bo kɛnɛ
kala bɛ mwɛɛ mu wunɛ mwɛɛ mo bachɛ baa.

¹² Bo gɛ̀ yɛɛnɛ fɛwɛɛwɛ bo duu lɛ,
“Mwa Shon wù ba gɛ̀ sɛlɛ,
le wu wù le wu kojɛ ki wu kɛme bvunɲa,
bɛ kwa mo bvufɛɛ bvù baanɲ,
mo jee chi kuge mo ɲgvunɛ mo bvukugɛ mo
mbɛɛɲsɛ.”

¹³ Nja n'yu mwɛɛ munchii mù Nyo gɛ̀ fɛ mu le fɛwe
mo yi nshɛɲ le mo mu a nshɛɲ kuu mo a joo yɪ baan
le, mo mwɛɛ munchii mù le manjuu manɛ le, mu
yɛɛnɛ lɛ,

“Mbɛɛɲsɛ bɛ ɲgvunɛ mo bvukugɛ mo bvunɲa,
kɛmɛ wɛɛ wù le wu shii yi kala le,
mo Mwa Shon wunɛ le segechii wu kage gɛ!”

¹⁴ No mu yɛɛnɛ noo, mwɛɛ mu wunɛ mù munɛh
mwɛɛ bɛɛɲ lɛ, “Fi nyûme noo!” Bachɛ baa gwe bo
gɛɛɲ fɛkuu bo nya mbɛɛɲsɛ wù baanɲ.

6

Mwa Shon bwɛɛyɛ bila bɪ bvusooshwi

¹ Ntu jiɲɛ no Mwa Shon wɛɛ gɛ̀ bwɛɛyi kila kɪ fwe
antɛnɛɛ a bila bɪ bvusooshwi biɛɛ, nja n'yu fiɛɛ fimi

ngoo yi mwɛɛ mu wuɲɛ mwɛɛ jɛmɛ bɛ jɛ nɛ wan jaɲ, fi jɛmɛ lɛ, “Tô!”

² Lɛ mbijɛ, nja n'yɛɲ nyambala yimi yĩ baan le muh bɛɛɲ yu, wu kɛmɛ kinɛ. Ba mo ba boon kifo ki bvunfon a wu fwa, wu bu, wu gɛɛɲ nɛ muh wù to wu juu wu soo, ki wu gɛɛɲ wu jû, wu sô.

³ Mwa Shon gɛ̀ bwɛɛdɛ kila kɪ kingane kinfɛɛ, n'yu fiɛɛ fi kingane kinfɛɛ ngoo yi mwɛɛ mu wuɲɛ mwɛɛ jɛmɛ lɛ, “Tô!”

⁴ Nyambala yimi bu yi yɛɛdɛ nɛ ghɛɛmm, ba mo ba nya nyo yi jɛɲ yimi yĩ baan muh wù gɛ̀ bɛnɛ yu le, ba nya wu bɛ bvunɲa ki wu chɪaase nyiɛgee yi kikwɛɛ ki nshɛɲ le kichii wu lɛ bamii yûuyi bamu.

⁵ Mwa Shon gɛ̀ bwɛɛdɛ kila kɪ kingane kintɛdɛ, n'yu fiɛɛ fi kingane kintɛdɛ ngoo yi mwɛɛ mu wuɲɛ mwɛɛ jɛmɛ lɛ, “Tô!” Ndoo mbijɛ, nja n'yɛɲ nyambala yimi yĩ yiide le, muh bɛɛɲ yi le wu kɛmɛ nfe wù ba fege mwɛɛ yu le a wu bo.

⁶ Nja n'yu nɛ jɛ yimi jɛmɛ antɛnɛɛ a mwɛɛ mu wuɲɛ munɛh mwɛɛ yi duu lɛ, “Muh lé wu gɛ̀ wu jô nlanɛ wu yi juu le chi chile fɛ wu gû finɲkɔnyi fi agin yu, kɛnɛ wu jô nlanɛ wu yi juu le chi chile fɛ wu gû munɲkɔnyi mu agin abala yu muntɛdɛ. Geenɛ keefɛ wo kûɲ mɛɛ bɛ mbvuun le gɛ!”

⁷ Mwa Shon gɛ̀ bwɛɛdɛ kila kɪ kingane kinɛh, n'yu jɛ yi fiɛɛ fi kingane kinɛh ngoo yi mwɛɛ mu wuɲɛ mwɛɛ jɛmɛ lɛ, “Tô!”

⁸ Ndoo mbijɛ, nja n'yɛɲ nyambala yimi yi le jibejibe, jee chi muh wù gɛ̀ bɛnɛ yu we gɛ̀ bee lɛ Kwe, won wu Banɲfu bii wu le. Ba nya bo bvunɲa lɛ bo jô bamii ba yi kimbe ki nshɛɲ le kimimia antɛnɛɛ a binɛh, bo lɛshɛ bamii bayu bɛ nyó yi jɛɲ

mo jɛŋ mo binchɛŋ bɛ nyán yi nchvuun yi yi nshɛŋ le.

⁹ Mwa Shon gè bwɛɛdɛ kila kɪ kingane kitɛŋ, n'yɛŋ biyo bi bamii le akuu a kitana ki kintanyɛ le. Biyo binɛ nyu bi bamii ba bo gè yuuyɛ bo nje jɛ yi Nyo bɛ fiɛɛ fi bo gè jɛmɛ bo lɛmɛ yi fi le.

¹⁰ Bi wanɛ fɛwɛɛwɛ lɛ, “O Tada Nyo wù le Awe a Mwɛɛ Munchii, wo wù yuude, wo le kinchiɛɛŋ. Wo lé wo chíɛɛŋ gɛɛŋ bú nɛɛ fɛ wo sùunɛ nsa wese wo chvúu kichvuse yi bamii ba gè yuuyɛ bee, ba le yi kikwɛɛ ki nshɛŋ le?”

¹¹ Bo mo bo nya njú yɪ baan muh wu mumwaa mumwaa bo le, bo jɛmɛ lɛ bo ka bo lêɛŋ shige, gɛɛŋ bú no bo le bo mɛsɛ bo yúuyɛ boon ba bwe bo, bò le tɛ bamii ba lɛmɛ ba Nyo ba gè bee ki ba gɛ ba yúuyɛ bo no ba gè yuuyɛ bo.

¹² Mwa Shon gè bwɛɛdɛ kila kɪ kingane kinsoo, mbijɛ nja n'yɛŋ nshɛŋ shɪŋshɛ bɛ bvunɔa, juu kaase chi tu chi yiide nɛ tititi nje nju yi kimbanɔkwe, kwii wù wu chile kaase wu tu wu yɛɛdɛ nɛ ghɛɛŋŋ nje kilɛmɛ.

¹³ Jón jade fɛwɛ yi gweeyi fɛkuu nje muntan mù baan jɛbejɛbe mù nfun fedɛ wu kaale.

¹⁴ Kibvulɛ ja ki kɛbɛ nje kimba ki ŋwa ki mo ki lêɛɛ lo. Bambegɛ bachii bɛ binɔŋŋ bichii ja fɛ bi gè bee fo.

¹⁵ Banfon ba yi nshɛŋ le mo bamii ba baan baan bachii mo bikwɛɛ bi bamii ba nchi ba baan baan mo bamii ba kwa mo bamii ba kɛmɛ bvunɔa mo bamii bachii kɛnɛ nfa kɛnɛ ba le gɛ nfa gɛ, bo mo bo nyiile a ŋkfuun mo a bvuta le bɛ a bambegɛ kuu.

¹⁶ Bo nyiile noo, bo janɛ bambegɛ bɛ bimbaan le, bo duu lɛ, “Bɛŋ gwêeyɛ yi ye yese le, bɛŋ bâɛ bee

lɛ keefɛ muh wɛɛ wù shile yi kala le wu yêne bee le
bɛ fɛ Mwa Shon dũnyɛ shén ye yĩ bɛene ye yese le
gɛ.

¹⁷ Juu chí bo lé bo dũnyɛ shén yiboo yĩ bɛene le
chi to wa chi kojɛ, gɛ muh nyu yu wù tanlo wu lɛɛɛ
a bo fwe gɛ.”

7

*Bo fɛ banjinɛ yi bamii ba Ishwala le banchvuge
gwii*

kicho mbaanyɛ ncho banɛh (144,000)

¹ Ajin ayu, n'yɛɛ banchɛndaa ba Nyo le banɛh bo
lɛme abu a won a ana le, bo banɛ fii yĩ bude abu
ayu le lɛ keefɛ yi fɛde yi nshɛɛ le kɛɛ yi joo yĩ baan
le, mo yi bite le gɛ.

² Nka n'yɛɛ Nchɛndaa wu Nyo wumu le, wu
bude a juu saane yo, wu kɛme fiɛɛ fi Nyo wù kɛmɛ
kinche wu chede bamii be yu abo. Wu mo wu tɛɛɛ
banchɛndaa ba Nyo ba banɛh baa bɛ jɛ yĩ tɛɛme.
Banchɛndaa banɛ le ba bo gɛ̀ nya bvunɛa bo le, lɛ
bo chɛɛ bɛ nshɛɛ mo joo yĩ baan.

³ Wu tɛɛɛ wu jɛmɛ lɛ, “Keefɛ bɛɛ chɛɛ bɛ nshɛɛ
kɛɛ joo yĩ baan kɛɛ bite nɛ bee fɛ banjinɛ yi
manshi ma bamii ba lɛme ba Nyo wese le sɛɛ gɛ.”

⁴ N'yu lɛ bamii ba bo gɛ̀ che le banchvuge gwii
kicho mbaanyɛ ncho banɛh (144,000), bo bu a
chikfuu chi Ishwala le chichii.

⁵ Bo gɛ̀ che bamii a kfuu chi Juda le, banchvuge
ncho bafɛɛ yuufe le, a kfuu chi Leubɛɛ le,
banchvuge ncho bafɛɛ yuufe le, a kfuu chi Gad
le, banchvuge ncho bafɛɛ yuufe le,

⁶ a kfuu chi Ashɛl le, banchvuge ncho bafɛɛ
yuufe le, a kfuu chi Naftali le, banchvuge ncho

bafɛɛ yuufe le, a kfuu chi Manase le, banchvuge ncho bafɛɛ yuufe le,

⁷ a kfuu chi Simun le, banchvuge ncho bafɛɛ yuufe le, a kfuu chi Lɛwe le, banchvuge ncho bafɛɛ yuufe le, a kfuu chi Isaka le, banchvuge ncho bafɛɛ yuufe le,

⁸ a kfuu chi Sɛbulun le, banchvuge ncho bafɛɛ yuufe le, a kfuu chi Yosef le, banchvuge ncho bafɛɛ yuufe le, a kfuu chi Benjamɛ le, bo che banchvuge ncho bafɛɛ yuufe le.

Kinchvu ki bamii ki nyume nɛ mamama

⁹ Ajiŋ ayu, mbijɛ nja n'yɛŋ kinchvu ki bamii le nɛ mamama tanlo muh gɛ tan gɛ. Bo bu bitun le bichii, bɛ chikfuu le chichii mo bamii bachii bɛ jé yichii, bo lɛme fwe a kala bɛ Mwa Shon, bo jiiyɛ njú yí baan bo kɛme bidaadɛ chiaaŋ yiboo le.

¹⁰ Bo gè wuule fɛwɛɛwe bo duu lɛ, “Mbvusɛ jade nyu fɛ Nyo wese wu le wu shii yi kala le bɛ fɛ Mwa Shon le.”

¹¹ Banchɛndaa ba Nyo bachii lɛɛŋ bo tun kingan bo kɛnɛ kala bɛ bachɛ baa bɛ mwɛɛ munɛh mu wunɛ mwɛɛ, bo gwe bo tun manshi fɛkuu a kala fwe, bo nyaa mbɛɛŋsɛ wù baan Nyo le.

¹² Bo gè gee noo, bo duu lɛ, “Fi nyûme noo! N'yuusɛ bɛ bvukugɛ mo bvufɛɛ bvù baan le kɛme Nyo wese. Besabɛŋ nyâa kiyone wu le. Le wu wù kɛmɛ ŋgvunɛ bɛ mbɛɛŋsɛ wù tɛmɛ segechii wu kage gɛ! Fi nyûme noo.”

¹³ Chɛ wumu a bachɛ baa le, biih mɛnɛ lɛ, “Banɛ le baan bo jiiyi njú yí baan? Bo bu faan?”

¹⁴ Nchvuu wu le lɛ, “Chiji kikwɛɛ, kee gɛh wo.” Wu jɛmɛ mɛnɛ lɛ, “Banɛ le bamii ba le ba bonɛ yi

kife ki ɲɛ wù baan le. Bo le bo chugɛ njú yiboo a kilɛmɛ ki Mwa Shon le, yi tu yi baan,

¹⁵ bo mo bo nyume a kala wu Nyo fwe, bo lɛne wu le antan bɛ fɛnshɛ yeh yi kintanyɛ le. Wu wuyu wù le wu shii yi kala le, wu lé wu nyû nje chun a bo we.

¹⁶ Gɛ jɛn baan yi yuu bo gɛ, gɛ kindon baan ki yune bo gɛ, gɛ muu baan wu sunje bo gɛ, gɛ bo baan bo yuge ɲkfun wù baan gɛ.

¹⁷ Fi lé fi gɛ fi nyûme noo nje Mwa Shon wù le antɛnɛɛ a kala lé wu gɛ wu chíɛne bo nje nchiɛne shón, wu jode bo wu gɛne bɛ bo fɛ joo yĩ nyaa kinche le. Nyo tɛ lé wu gɛ wu shô ajoo achii ajii aboo le.”

8

Mwa Shon bwɛɛɛ kila kɪ ajin

¹ Mwa Shon gɛ̀ bwɛɛɛ kila kɪ kingane kinsooshwi a ɲwa wɛɛ le, manjuu chii fɛwe nɛ shiinj gɛɛn bu kingade ki kife antɛnɛɛ.

² Mɛ mo n'yɛn banchɛndaa ba Nyo ba bvusooshwi le bo to bo lɛme a Nyo fwe. Ba nya chison bvusooshwi bo le.

³ Nchɛndaa wu Nyo wumu ja wu to wu lɛɛn fɛ kitana ki kintanyɛ le, wu kɛme finlan fi ba tone jiinj yo, ba kɛnyɛ bɛ kichwa ki bige kɪ yɛɛde. Ba nya jiinj wu le chi duude ki wu tâashɛ fɛ kitana ki kintanyɛ bɛ buunɛ chi bamii ba le ba Nyo le. Kitana kiyu ba kɛnyɛ bɛ kichwa ki bige kɪ yɛɛde, ki nyume a kala fwe.

⁴ Wu ton, chijige chi jiinj chiyu bɛ buunɛ chi bamii ba le ba Nyo, bu a wu bo chi bɛɛn chi gɛɛn a Nyo fwe.

⁵ Nchɛndaa wu Nyo wuyu mo wu ja wu jo finlan fi ba tone jiɪɪ yo fiɛɛ, wu jo ngu fɛ kitana ki kintanyɛ le, wu gɛɛ yo wu yiɛ, wu mo wu non yi nshɛɪ le. No wu non noo, jaɪ tu yi lale, yi ngbwame, yi kfuunɛ, nshɛɪ shɪɪshi.

Banchɛndaa ba Nyo kɛ bo tonɛ chisonɪ chi chinɛh

⁶ Banchɛndaa ba Nyo ba bvusooshwi ba gɛ̀ kɛme chisonɪ chi bvusooshwi chiɛɛ mo bo seesɛ ye ki bo tɔɪ chisonɪ chiyu.

⁷ Nchɛndaa wu Nyo wù fwe tonɛ che sonɪ, abe bɛ ngu ba fiɪɪɛ bɛ kilɛmɛ kesɛ yi nshɛɪ le. Kimbe ki nshɛɪ kimimia antɛnɛɛ a bimbe bitɛde fie, kimbe kimimia antɛnɛɛ a bimbe bitɛde bi bite fie, agaɪ a le ngeɛ achii fie tɛ.

⁸ Nchɛndaa wu Nyo wù kingane kɪnfɛɛ tonɛ che sonɪ, bo non fiɛɛ fimi ngu bɛde yu, fi nyume nɛ mbegɛ wù baɪɪ. Fi gwe a joo yɪ baɪɪ le. Kimbe kimimia antɛnɛɛ a bimbe bitɛde bi joo yɪ baɪɪ ja bi tu kilɛmɛ.

⁹ Kimbe kimimia antɛnɛɛ a bitɛde bi mwɛɛ mu wunɛ mù le a joo yɪ baɪɪ le kweeyɛ. Kimbe kimimia antɛnɛɛ a bimbe bitɛde bi mutima mu a joo saayɛ.

¹⁰ Nchɛndaa wu Nyo wù kingane kɪntɛde tonɛ che sonɪ, jon yimi yɪ baɪɪ ja fɛwe yi bɛde nɛ kin'yese, yi gwe yi baɪɛ kimbe kimimia antɛnɛɛ a bitɛde bi jóo yɪ bohge bɛ manjuu mà jóo to yi bude mo le.

¹¹ Jee chi jon yiyu nyu lɛ Nluɛ. No yi gwe noo, kimbe kimimia antɛnɛɛ a bimbe bitɛde bi jóo tu bi luɛ. Bamii ba duude kweeyɛ nɛ jóo yiyu yɪ bo gɛ̀ muu, nɛ jon yiyu gɛ̀ ge wa jóo yiyu tu yi luɛ lo.

¹² Nchɛndaa wu Nyo wù kingane kɪnɛh tonɛ che sonɪ, fiɛɛ fimi bwɛɛde juu kimbe kimimia antɛnɛɛ a

bimbe bitɛde bɛ kimbe kimimia ki kwii antɛnɛɛ a bitɛde. Fi bwɛɛdɛ tɛ jón kimbe kimimia antɛnɛɛ a bɪ bitɛde. Bimbe biboo kimimia kimimia tu ki jiime. N'yulɛ fan ki wu ka wu nyûme yu a kimbe kimimia antɛnɛɛ a bimbe bɪ bitɛde kɪ fɛnshɛ le mo kɪ antan le.

¹³ Ndoo n'jinɛ, nja n'yu nfa ja wu janɛ fɛwɛɛwe no wu gɛ̀ fuune antɛnɛɛ a kibvulɛ wu duu lɛ, “Ngɛ lɛɛ, ngɛ lɛɛ, ngɛ lé wu gɛ̀ wu nyûme fɛ bamii ba le yi kikwɛɛ ki nshɛɲ le sege ba ton chison chɪ sheshi chɪ banchɛndaa ba batɛde le wa ki bo tón.”

9

Ba ton son chɪ kɪngane kintɛh

¹ Nchɛndaa wu Nyo wù kɪngane kintɛh ton che son, n'yɛɲ jon yimi le yɪ gɛ̀ ja fɛwe yi gwe fɛkuu. Ba nya kɪngwenyɛ jon yiyu le kɪ gweenyi kintuge kɪ shiide nɛ ɲoonɲ.

² Jon yiyu mo yi gwenyɛ jwe wu kintuge kiyu, munjige bu yo nɛ gɛmm, nɛ mu bu fɛ mwɛɛ mù ba banyɛ ba kfun le. Munjige mù gɛ̀ bude a kintuge kiyu le, mu ge juu bɛ kibvulɛ ja mu tu mu yiide lo.

³ Chúma bu a munjige muyu le yi shii yi nshɛɲ le. Bo nya chúma yiyu bɛ bvunɲa lɛ yi táayi nɛ banɲan ba yi nshɛɲ le,

⁴ bo leh lɛ keefɛ yi chɛɲɛ bɛ mwɛɛ mù kuu yi nshɛɲ le gɛ, kɛnɛ nyume agaɲ, kɛnɛ bite, kɛnɛ mo la la, bo duu lɛ yi nyá ngɛ gɛh nyu kfuu chi bamii baa bò kɛme gɛ njinɛ wu Nyo fɛ bo jii gɛ.

⁵ Ba gɛ̀ chinɛ lɛ chúma yiyu nya ngɛ bamii le yi kii le yitɛɲ. Geenɛ lɛ keefɛ yi yûuyɛ lo bo gɛ. Ngɛ wù yi gɛ̀ bee ki yi nyáa gɛh bee nɛ wu ɲan sege wu le wu ta muh.

⁶ Yi kii yi yiten chine le bamii lé bo gôone lo kwe bo yede gɛ. Bo lé bo bēede ki bo kwê, kwe lege lo bo.

⁷ Chúma chine gè bee nje nyámbala yí le yi seesɛ wa ki yi bú gwɛɛn wu jɛn le. Mwɛɛ mumu gè bee a bo fwa nje bifo bi bvunfon bí ba kɛnyi bɛ kichwa ki bige kí yɛɛde, manshi maboo nyume nje ma bamii.

⁸ Yvu yi bikwɛɛ biboo gè bee nje yi bikɛse, bige biboo nyume nje bige bi bvule.

⁹ Yi gè kɛme bibagɛ bi nyume nje kichwa ki bamii ba jɛn kí ba baɛe gvúu yu. Yi doo yi fuune bibɛɛ biboo tu bi yode nje bakoto ba duude bo chiide nyámbala sege yi lege gwɛɛn wu jɛn le.

¹⁰ Yi kɛme chingvunyi bɛ gɛn nje baɲaɲ. Bvunɲa bvuboo bvu bo gè nyaa nɛɛ yu bamii le yi kii le yiten nyu yi chingvunyi chine le.

¹¹ Bo gè kɛme nfon wuboo nyume nchɛndaa wù jiiɛ fɛ kintuge kí shiide nɛ ɲoonɲ kɛɛ le, jee che nyume a jé yi Ibulu le ɛ Abadon, chi nyume a jé yi Glek le ɛ, Abolion (Jee chine nyume ɛ muh wù chɛɲe lo).

¹² Wunɛ nɛɛ wù fe baɲ gɛh lo wù fwe. Geenɛ bɛɲ yêgɛ bɛɲ yú, bamu baɲgɛ baɲ bo bii ajiɲ bafɛɛ.

Bo ton son chí kingane kinsoo

¹³ Nchɛndaa wu Nyo wù kingane kinsoo ton che son, n'yu jɛ bu fɛ binchoo bí binɛh bí le bi kitana ki kintanyɛ ki ba kɛnyi bɛ kichwa ki bige kí yɛɛde, ki nyu a Nyo fwe,

¹⁴ yi jɛmɛ nchɛndaa wu Nyo wù kingane kinsoo wu gè kɛme son wɛɛ le ɛ, “Fáanyɛ banchɛndaa ba banɛh ba bo le bo kaɲ mbebe yi joo yí kuge yí Yufleti le.”

15 Noo, Nchɛndaa wu Nyo wuyu mo wu faanyɛ banchɛndaa ba banɛh bayu. Banchɛndaa bayu nyu ba gɛ̀ seese ba gɛɛ bo chieɛne kife bɛ juu mo kwii bɛ kiluŋ kɪ ba lé ba gɛ̀ ba fãanyɛ bo, ba yũuyɛ kimbe kimimia antɛnɛɛ a bitɛde bi bamii.

16 Ngɛ̀ yu no ŋgoo yi bamii ba jɛŋ ba yi nyámbala le gɛ̀ bee. Bo gɛ̀ bee bamala gii yifɛɛ (200,000,000).

17 Nyámbala yĩ ŋgɛ̀ yɛŋ a fiɛɛ fi le nje kifilɛ fiɛɛ, mo bamii ba gɛ̀ bɛɛne yi le gɛ̀ bee a yinɛ je le: Bamii bayu gɛ̀ bee bo jii bichwa bo banɛ gvúu yu, nchoŋ yiyu yɛɛle nje ŋgu, yi ka nyume nje kibvulɛ, fi ka nyume tɛ nje fi yɛɛde. Bikwɛɛ bi nyámbala biyu gɛ̀ fiɛɛnɛ bi babvule, ŋgu bɛ munjige mo fiɛɛ fimi nje munkaŋ mù bɛɛde, mu bude a yi mu.

18 Mwɛɛ mu banɛ mune mù gɛ̀ bee, ŋgu bɛ munjige mo fiɛɛ nje munkaŋ mù bɛɛde, mù gɛ̀ bude a nyámbala yiyu mù gɛ̀ bee mu yuuyɛ bamii kimbe kimimia antɛnɛɛ a bitɛde.

19 Bvunɔa bvɔ nyámbala yiyu gɛ̀ bee a yi mu bɛ chingvunyi chiboo le. Chingvunyi chiboo nyume nje yó yi kɛme bikwɛɛ, nyume fiɛɛ fi yi lɛŋse bamii yu.

20 Mo no fi gɛ̀ kooshɛ noo, kimbɛge ki bamii mo mwɛɛ mù banɛ mune gɛ̀ baan yuuyɛ gɛ̀ bo gɛ̀, bo gɛ̀ baan mo kuse gɛ̀ muntele muboo yi mwɛɛ mù bo gɛ̀ gee bɛ chiaan yiboo le gɛ̀. Bo gɛ̀ baan kuse gɛ̀ ki bo búune banchɛndaa ba debele bɛ mumooso kɛnɛ nyume mù ba kɛnyi bɛ kichwa ki bige kɪ yɛɛde, kɛnɛ kɪ baan, kɛnɛ bɛ kichu kɪ nɛɛ, kɛnɛ ata, kɛnɛ kite. Mumooso mune nyume nje tanlo mu yɛŋ fiɛɛ le sɛŋ, kɛnɛ mu yu sɛŋ, kɛnɛ mu jienyɛ sɛŋ.

21 Bo gɛ̀ baan mo kuse gɛ̀ tɛ muntele ki bo yũuyi bamii kɛnɛ ki bo gɛ̀e nfiŋ, kɛnɛ ki bo chɛe kinche ki nyiɛŋ yi kinjaŋ, kɛnɛ ki bo chône gɛ̀.

10

Nchɛndaa wu Nyo wù gɛ̀ kɛme fɪŋwa ba gwenyɛ

¹ Nka n'yɛŋ nchɛndaa wu Nyo wumu wù tɛɛme le wu shiide wu too fɛwe, kimbɛ baŋɛ wu nɛ nju, kila daa a kikwɛɛ ke we. Bvushi bwe gɛ̀ bee nɛ juu, bikaa bie nyume nɛ lɛmɛ chi ŋgu fɛ chi bɛɛne.

² Wu gɛ̀ kɛme fɪŋwa fimi a wu bo ba gwenyɛ. Wu shii wu tome kikaa ke kinchiɛɛŋ yi joo yɪ baan le, wu tome kinŋoŋo yi nshɛŋ le.

³ No wu tome noo, wu janɛ fɛwɛɛwe nɛ bvule fɛ wu wanɛ. No wu janɛ noo, jan yɪ to yi ŋgbwame kingane kinsooshwi mo yi jɛmɛ.

⁴ No jan yɪ to yi ŋgbwame kingane kinsooshwi yiyu jɛme noo, mɛ mo tu ŋgoone kinsan fɛɛ fi yi gɛ̀ jɛme, geenɛ jɛ yimi jɛmɛ mɛne fɛwe lɛ, “Gɛ̀lɛ fɛɛ fi jan yɪ ŋgbwame kingane kinsooshwi yinɛ jɛme a shɛŋ. Keefɛ wo sɛn a ŋwa le gɛ.”

⁵ Nchɛndaa wù ŋgɛ̀ n'yɛŋ wu lɛme yi joo yɪ baan le mo yi nshɛŋ le wɛɛ wu chiaasɛ kibo ke kinchiɛɛŋ we,

⁶ wu kan jee chi muh wɛɛ wù le yu segechii wu kage gɛ, nyu wu wù gɛ̀ fɛ kibvulɛ bɛ mwɛɛ munchii mu yiyu le, mo nshɛŋ bɛ mwɛɛ munchii mu le yu le, mo joo yɪ baan bɛ mwɛɛ munchii mù nyume yo. Wu kan wu jɛme lɛ, “Gɛ Nyo baan wu chíide lo ye ki wu gɛ̀ fɛɛ fi wu goone ki wu gɛ̀ gɛ.

⁷ Le ge nyũme aju a nchɛndaa wu Nyo wù kingane kinsooshwi lé wu gɛ̀ wu tɔŋ che son, Nyo gɛ̀ fɛɛ fi wu nyile fi to fi kojɛ no wu gɛ̀ jɛmɛ wa bamii be ba lɛme le bò le bamii be ba ntun le.”

⁸ Jɛ yí ngè yu wa fɛwɛ yɛɛ ka yi jɛmɛ mɛnɛ lɛ, “Gêne wo fi fiŋwa fi ba gwenyɛ fiɛɛ a kibo ki nchɛndaa wu Nyo wɛɛ wù lɛmɛ yi joo yí baan le bɛ yi nshɛŋ le.”

⁹ Mɛ mo ngɛɛŋ fɛ nchɛndaa wu Nyo wuyu le njɛmɛ lɛ wu nya fiŋwa fiyu mɛnɛ. Wu jɛmɛ mɛnɛ lɛ, “Kô wo jí. Wu ge doo wu boh a wo shɛŋ wu luji lo. Geenɛ, wu lé wu gè wu njêŋɛ a wo mu njɛ bvutu.”

¹⁰ Mɛ mo nfi fiŋwa fiyu a kibo ki nchɛndaa wu Nyo wuyu le, nji. No ngè jii, wu njêŋɛ a mɛ mu njɛ bvutu. Geenɛ sege wu gè boh wa a shɛŋ wu tu wu luji lo.

¹¹ No nji wa, bo mo bo jɛmɛ mɛnɛ lɛ, “Wo kɛmɛ ki wo ka wo fêjɛ ntun wu Nyo bamii le. Ntun wunɛ le kune chikfuu chi bamii bɛ bitun mo bamii ba jɛmɛ chikfuu chi jé mo banfon.”

11

Bamii ba ntun wu Nyo ba bafɛɛ

¹ Bo mo bo ja bo nya nfee mɛnɛ wù nyume njɛ kimban, bo jɛmɛ mɛnɛ lɛ, “Gêne fêe yeh yi kintanyɛ ki Nyo bɛ kitana ki kintanyɛ, wo tân tɛ bamii ba buune Nyo yu,

² geenɛ fɛ wo fê lakfulɛ chi akfuun gɛ. Chíne yu nje ba le ba nya wa bamii ba kee gɛ Nyo gɛ. Bo lé bo gè bo bêŋ yi kilaantɛŋ kɔ yuude le, bo nyúse kilaantɛŋ kiyu yi kii le mbaanyɛ ncho yifɛɛ.

³ Nlé ngè nnyá bvunga bamii ban ba bafɛɛ le ba jême kune mɛ, bo tède ntun wan bamii le yi aju le nchvuge bɛ gii yifɛɛ kicho mbanbvusoo (1,260). Bo lé bo gè bo tède bo jii bimbanƙwe.”

⁴ Bamii ba bafɛɛ banɛ le bite bi Olif bɪ bifɛɛ mo mwɛɛ mù munfɛɛ mù ba toome bin'yesɛ yu, mù to mu lɛme fwe a Tada wù kɛme nshɛɲ le.

⁵ Nɛ muh ja wu goone ki wu gɛ fiɛ fi befe bɛ bo, ngu bù de yiboo le wu yɛɛɛ lo muh wuboo wu kimbanɛ wuyu. Nɛ muh goone ki wu gɛ fiɛ fi befe bɛ bo tu wu kɛme ki wu kwê noo.

⁶ Bo kɛme bvunɣa bvù bo tanlo bo ban kibvulɛ lɛ fɛ jan chiɛɛɲ lo yi nshɛɲ le aju a bo teede ntun wu Nyo le gɛ. Bo kɛme tɛ bvunɣa bvù bo tanlo bo fiisɛ joo yi tû kilɛmɛ mo bvunɣa ki bo nôn kfuu chi binchɛɲ yi nshɛɲ le mo sege la wù bo goone.

⁷ Bo doo bo mɛsɛ bo jɛmɛ fiɛ fi bo kɛme ki bo jêɛmɛ, nyan yɪ kuufe ye bù a kintuge kɛɛ kɪ shiide nɛ ɲooɲɲ le, yi bù yi tûɲ jɛɲ bɛ bo, yi sô bo, yi yûuyɛ bo,

⁸ agvun aboo mɛ gɛh wo gime a je yi a kilaantɛɲ kɪ baan kɛɛ le. Kilaantɛɲ kinɛ le kɪ ba tɛɲɛ a jé yi banɣan le lɛ Sodom kɛnɛ lɛ Ijib, nyume yo a ba gè ta Tada wuboo yi kintaan le.

⁹ Yi aju le atade bɛ kingade nyu chikfuu chi bamii, kɛnɛ nyume ntɛ wù la le, kɛnɛ bo jɛme kfuu chi jé yɪ la, kɛnɛ bo le bitun bɪ la le, bo nyume gɛh bo jiɲɛ agvun aboo no wo gime, bo fan lɛ keefɛ ba jɪiyɛ bo gɛ.

¹⁰ Bamii ba chee yi nshɛɲ yinɛ le, bo lé bo lânɲeye laa nɛ kwe bamii banɛ nɛ lɛ, bo lé bo yáge lo, muh chiɲɛ nnya fɛ muh le, muh chiɲɛ nnya fɛ muh le. Bo lé bo gêe noo nje bamii ba ntun wu Nyo ba bafɛɛ banɛ le bo to bɛ ɲgɛ wù baan yi bamii ba chee yi shɛɲ yinɛ le.

¹¹ Sege fi kooshɛ, aju atade kanɛ bɛ kingadɛ fe, kiyo kɪ nyaa kinche ja fɛ Nyo le, ki lêe yi bo le,

bo kâase bo jâ we. Bamii yêṇ noo, bo kême nfaan baan.

¹² Bamii ba bafɛɛ bayu mo bo yu jɛ jɛmɛ we bɛ bvunḡa yi duu bo le ɛ, “Bɛṇ bêɛṇ bɛṇ tó fɛnɛ.” Bo mo bo bɛɛne bo gɛɛne we yi kimbɛ le, bamii baboo ba kimbane jiṇḡe.

¹³ Gɛh kife kiyu le, nshɛṇ ja yi shiṇshɛ bɛ bvunḡa baan, kimbe kimimia antɛnɛɛ a bi yuufe ki ki-laantɛṇ kiyu muushɛ. Bamii banchvuge bvusooshwi (7,000) kweeyɛ no nshɛṇ yiyu gè shiṇshɛ. Kimbɛge ki bamii kɪ gè shɛshɛ, kɛmɛ nfaan baan, bo tu bo tume manḡuṇ ma Nyo wù le fɛwe.

¹⁴ Wunɛ ṇḡɛ wù fe le wù kinḡane kinfɛɛ. Geenɛ bɛṇ yêḡɛ bɛṇ yû, ṇḡɛ wù kinḡane kintɛde lé wu tó yi kife le shige.

Bo ton son chí kinḡane kinsooshwi

¹⁵ Nchɛndaa wu Nyo wù kinḡane kinsooshwi ton che son, n'yu no jé jɛmɛ bɛ bvunḡa we yi duu ɛ, “Bvunfonḡ bvɛ yi wonḡ kfunɛ le, le bvɛ tu wa bvɛ Tada wese besabɛṇ bɛ Nfih we wù wu gè ka le, wu lé wu gè wu sâḡe segechii wu kage gɛ.”

¹⁶ Bachɛ ba mbaanfiɛɛ ncho banɛh baa bô gè shiiyɛ yi bakala baboo ba a Nyo fwe le mo bo gweeyi bo tume manshi maboo fɛkuu, bo nyaa mbɛɛṇsɛ wù baan Nyo le.

¹⁷ Bo gè gee noo, bo duu ɛ,
“Bee nyaa kiyone wo le,
Tada Nyo wù Kɛmɛ Bvunḡa Bvuchii,
wo le mɛɛsɛ, wo gè bee wa.
Bee nyaa kiyone nje wo le wo jo wa
bvunḡa bwunḡ bvù baan wo kɛ wo sage.

18 Bamii ba le gɛ̀ Bajuu gɛ̀ * gɛ̀ toonyi shɛ́ŋ,
nɛ kife kɪ wo lé wo dũnyɛ shɛ́ŋ yo yɪ bɛɛne le ki koɟɛ
ka.

Le kife kɪ wo lé wo sâ bamii bò le bo kweeyɛ wa.
Ka nyume tɛ kɪ wo lé wo mǎajɛ bamii bun ba lɛme
ba le bamii bun ba ntun,
wo ka wo mǎajɛ bamii ba le ba Nyo,
wo mǎajɛ tɛ bamii bachii ba ngvuune jee chun,
kɛnɛ ba shige shige kɛnɛ ba baan baan.
Le nyume tɛ kife kɪ wo lé wo lɛɛshɛ bamii
ba chɛɲɛ bɛ kikwɛɛ ki nshɛŋ.”

19 Bo ja bo gwenyɛ kimbun ki yeh yi kintanyɛ ki
Nyo yɪ fɛwe. Nku wu mankan ma Nyo mà gɛ̀ bee
yeh yi kintanyɛ yiyu le, yɛnɛ. Jan ja yi tu yi lale, yi
ngbwame, yi kfuunɛ, nshɛŋ shinshi, abe a baan baan
shiide.

12

*Kwɛse wumu bɛ kinga ki nyan yimi yɪ fiɛnɛ nyan
joo*

1 Nja n'yɛŋ kfuu chi fiɛɛ fimi fi jwe wù yunɛ le
fɛwe. Gɛ̀ bee kwɛse wumu wu non juu ye ye le
nɛ nju, kwii nyu a bikaa bie kuu, wu boon kifo ki
bvunfon, jóŋ nyu yu yuufe ncho yifiɛɛ.

2 Wu gɛ̀ bee bɛ fwe, wu lune wa ki wu bôo, wu
yuge nsaase wu lumɛ, wu beede.

3 Nka n'yɛŋ kfuu chi fiɛɛ fimi fi jwe wù yunɛ le
fɛwe. Gɛ̀ bee kinga ki nyan yimi yɪ yɛɛde lo, yi fiɛnɛ
nyan joo. Yi kɛme bikwɛɛ bvusooshwi bɛ binchoo
yuufe, bifo bi bvunfon bɪ shige shige bvusooshwi
nyu yi bikwɛɛ biyu le.

* 11:18 Bamii banɛ fɛnɛ le ba tɛɲɛ bo chaan lɛ, “bitun”.

⁴ Yi jise ɲgvuun we, wu kalɛ kimbe kimimia antɛɛ a bitɛde bi jón yi we wu non yi nshɛɲ le. Kinga ki nyan yiyu ja yi lɛɛɲ fwe a kwɛse wù gè lune wɛɛ le, wu lɛ kwɛse wuyu doo wu boo, wu ɲgêjɛ lo mwa wuyu, wù wu boyi.

⁵ Wu boo mwa wù jwɛɲsɛ, nyu wu wù gè wu sâge bitun bichii bɛ kitoomɛ ki kichwa. Geenɛ, no wu gè boyɛ bo mo bo chufɛ mwa wuyu bo bɛɛɲ bɛ wu fɛ Nyo le, wu tu wu nyume mbebe kala we le.

⁶ Kwɛse wuyu mo wu fɛɛ lo wu gɛɛɲ wu tu wu nyu nchvuun kijuse kɪ Nyo gè kɛnyɛ wa fɛ wu le. Nyu fo fɛ ba lé ba jɪɲɛ fɛ wu le yi aju le nchvuge bɛ gii yifɛɛ kicho mbanɓvusoo (1,260).

⁷ Jɛɲ ja yi kɛ won wu Nyo le, nchɛndaa wu Nyo wù Maikɛl bɛ ɲgoo ye yi banchɛndaa bo juu bɛ kinga ki nyan yɪ fɛɛɛɛ nyan joo yɛɛ. Nyan yiyu bɛ be banchɛndaa juu.

⁸ Geenɛ bo so kinga ki nyan yiyu bɛ ɲgoo ye, bo gɛ ka bo kɛme kijuse won wu Nyo le gɛ.

⁹ Bo bvusɛ kinga ki nyan yɪ fɛɛɛɛ nyan joo yɛɛ bo misɛ ki gwe fɛkuu yi nshɛɲ le. Kinga kinɛ nyu yo yɪ kege yɛɛ yɪ le debele ka nyu Satan. Nyume wu wù lɛɛde bɛ bamii yi kikwɛɛ ki nshɛɲ le kichii. Bo gè misɛ wu bɛ banchɛndaa be bo gwe yi nshɛɲ le.

¹⁰ Nja n'yu jɛ jɛmɛ fɛwɛɛwe won wu Nyo le yi duu lɛ,

“Le mɛɛse wù Nyo lé wu bvûsɛ bamii be,
wu dûnyɛ bvunɲa bwe bvu lɛme,
wu sâge bvunfon bwe, Mbvusɛ we wu wù gè ka
dûnyɛ tɛ bvunɲa bwe bvu nsa.

Fi le noo mɛɛse nje ba le ba misɛ wa muh wɛɛ fɛkuu,
wù gè lɛme a Nyo wese fwe fɛnshe bɛ antan,
wu kooyi mwɛɛ yi boon ba bwee wese le.

¹¹ Geenɛ, bo nyu bo so wa wu,
nje kilɛmɛ ki Mwa Shon
bɛ jɛ yi Nyo yĩ bo lɛme ajin a nsa wuyu le.
Gɛ bo gè baan bo konɛ kinche kiboo,
je yĩ tanlo bo faane lo ki bo kwe gɛ.

¹² Noo, won wu Nyo lânɛye,
bamii bachii ba le fo, lânɛye tɛ.
Geenɛ, nɔgɛ wù baan le fɛ bɛn le nshɛn bɛ joo yĩ
baan,
nje debele le wu shii wa wu to fɛ bɛn le.
Wu nyu wu yisɛ bɛ shɛn yĩ bɛɛne wu baan,
nje wu kee lo lɛ kife ke shɛɛ wa shige.”

¹³ Kinga ki nyan yĩ fiɛɛnɛ nyan joo yɛɛ doo yi yɛn
lɛ ba le ba misɛ wa yi, yi gwe yi nshɛn le, yi daa legɛ
a kwɛsɛ wɛɛ wù gè boyɛ mwa wù jwɛnɛ le.

¹⁴ Geenɛ, bo nya bibɛɛ bi nfa bifɛɛ kwɛsɛ wuyu
le lɛ wu fûnɛ yu wu lêgɛ yo yɛɛ wu gêɛn wu nyûme
nchvuun yi bilun le bitɛde bɛ kingade ba jiinɛ fɛ wu
le.

¹⁵ Yo yiyu mo yi bvusɛ joo a mu nje joo yĩ bohge
ajin a kwɛsɛ wuyu wu lɛ yi tûu wu yi gêɛn bɛ wu.

¹⁶ Geenɛ, nshɛn fi kwɛsɛ wuyu, yi gwenyɛ jwe we
yi yaan lo joo yi kinga ki nyan kiyu gè bvusɛ a yi mu.

¹⁷ Nyan yiyu mo yi toonyɛ shɛn bɛ kwɛsɛ wuyu,
yi mo yi ja yi la bvuju a kimbɛge ki boon ba kwɛsɛ
wuyu le, nyume bo bô gɛɛde banchi ba Nyo bo ka
lɛme ajin a nsa wu Jiso.

¹⁸ Yi * mo yi gɛɛn yi tu yi lɛme nɔgɛɛme yi joo yĩ
baan le.

* **12:18** Banɔa ba kege bamu kɛme fɛnɛ lɛ, “Mɛ mo nɔgɛɛn”.

13

Nyan yi kuufe ye yi gɛ̀ bu a joo yi baan le

¹ Nka nja n'yɛn nyan yi kuufe ye bude a joo yi baan le, yi kɛme bikwɛɛ bvusooshwi bɛ binchoo yuufe mo bifo bi bvunfon bi shige shige yuufe yi binchoo biyu le, ajee a chɛnɛ bɛ jee chi Nyo nyume yi bikwɛɛ biyu le.

² Nyan yiyu yi ngɛ yɛn gɛ̀ fiɛnɛ biala, bikaa biyu nyume nɛ bi ngvufe, jwe we nyume nɛ wu bvule. Kinga ki nyan yiyu yi fiɛnɛ nyan joo yɛɛ mo yi nya nyan yiyu bɛ bvunga bwe mo kala we, lɛ yi sɛge bɛ bvunga bvù baan.

³ Kikwɛɛ ki nyan yiyu kimi gɛ̀ bee nɛ ki gɛ̀ kɛmɛ wa kfuu chi nfu wumu nyume nɛ tanlo wu yuuyɛ lo yi, geenɛ wu gɛ̀ tɛmɛ wa. Jwe yun lo bamii bachii yi kikwɛɛ ki nshɛn le, bo mo bo bii ajin a nyan yiyu.

⁴ Bamii tu bo nyaa mbɛɛnɛ wù baan kinga ki nyan yi fiɛnɛ nyan joo yɛɛ le, nɛ yi gɛ̀ nya nyan yi kuufe ye yiyu bɛ bvunga bwe. Bo mo bo nyaa tɛ mbɛɛnɛ wù baan nyan yi kuufe ye yiyu le bo duu lɛ, “Le yɛɛn wù le nɛ nyan yi kuufe ye, tanlo yɛɛn ju bɛ yi?”

⁵ Bo gɛ̀ chinɛ nyan yiyu le, yi kɛme jwe wu tanlo yi jɛmɛ jɛ yi kinchiaasɛ ye, yi ka chɛnɛ bɛ jee chi Nyo, bo ka bo chinɛ tɛ lɛ yi sɛge yi kii le mbaanyɛ ncho yifɛɛ.

⁶ Yi mo yi kɛ yi jɛmɛ jɛ yi befe kune Nyo, yi chɛnɛ bɛ jee che bɛ kijusɛ ki Nyo le fo, mo bamii ba le yi wonj wù fɛwe le.

⁷ Bo gɛ̀ chinɛ tɛ lɛ yi tɛn jɛn bɛ bamii ba le ba Nyo, yi sô bo. Bo gɛ̀ chinɛ tɛ lɛ yi kɛme bvunga awe a

bantɛ bachii bɛ bamii bachii mo bamii ba jé yichii, mo bitun̄ bichii.

⁸ Bamii bachii ba yi kikwɛɛ ki nshɛɲ le, lé bo nyâa mbɛɛɲsɛ wù baan̄ yi le. Bamii banɛ le muh wuchii wù ba gè baan̄ a san̄ gɛ wa jee che a ŋwa le gɛ, fɛ won̄ kɛ. Ŋwa wunɛ le wù ajee a bamii ba kɛme kinche le yo, nyume ŋwa wu Mwa Shon̄ wù ba gè sɛɛ.

⁹ Muh wù kɛme bintun̄, wu yû.

¹⁰ Nɛ muh le fie nyu le ba lé ba kôo wu, tu ba lé ba kôo. Muh nɛ le fie nyume le wu lé wu kwê yi finyoo le, tu ba lé ba yûuyɛ wu bɛ finyoo. Finɛ gɛɛne fɛ bamii ba le ba Nyo le, le bo kaan̄ shɛɲ, bo leesɛ fitele yi wu le.

Nyan̄ yĩ kuufe ye yĩ gè bu yi nshɛɲ le

¹¹ Ŋka nja n'yɛɲ nyan̄ yimi yĩ kuufe ye le, yi bude yi nshɛɲ le, yi kɛme binchoo bifɛɛ n̄jɛ bi mwa shon̄, yi jɛme n̄jɛ kinga ki nyan̄ yĩ fiɛɛnɛ nyan̄ joo yɛɛ le.

¹² Yi gè duunyi bvun̄ga bvuchii bvu nyan̄ yĩ kuufe ye yĩ fwe yɛɛ le, a nyan̄ yiyu fwe. Yi ge kikwɛɛ ki nshɛɲ kichii bɛ bamii bachii ba yi nshɛɲ le tu bo nyaa mbɛɛɲsɛ wù baan̄ nyan̄ yi fwe yɛɛ yĩ gè bee bɛ nfu wumu tan̄lo wu yuuyɛ lo yi, wu gè tɛmɛ wa.

¹³ Yi gè gee mwɛɛ mù duunyi bvun̄ga bwe, yi gee mo ŋgu jade fɛwe wu shiide fɛkuu bamii yɛde.

¹⁴ No bo gè chinɛ le yi gee mwɛɛ mù duunyi bvun̄ga bwe a nyan̄ yĩ kuufe ye yimi yɛɛ fwe, yi mo yi lêɛde bɛ bamii ba le yi nshɛɲ le. Yi mo yi jɛmɛ bo kɛnyɛ fimooso fi fiɛɛnɛ nyan̄ yĩ ba gè lɛɲsɛ bɛ nyo yi jɛɲ yi nyume gɛh yu yɛɛ.

¹⁵ Ba gè chinɛ le yi nyâ kiyo fimooso fi nyan̄ yĩ kuufe ye yiyu le, wu le fimooso fiyu jɛme, fi gee ba

yûuyi bamii bachii ba fanje ki bo nyâa mbɛɛnɛ wù baanɲ fimooso fiyu le.

¹⁶ Fi gè jɛmɛ lɛ bo gêɛ njinɛ yi bamii le bachii yi kibo kinchiɛɛn le kɛnɛ fɛjii, yi jɛmɛ lɛ ba gêɛ yi muh le kɛnɛ nyume muh wù shige kɛnɛ wù baanɲ, kɛnɛ muh kwa, kɛnɛ wù fuude, kɛnɛ nyume nfwa, mo nyume gɛ nfwa gɛ,

¹⁷ wu lɛ tanɲo muh gu kɛnɛ wu gese fiɛɛ nje wu kɛme njinɛ wuyu sɛn gɛ. Njinɛ wunɛ le jee chi nyanɲ yĩ kuufe ye yɛɛ, kɛnɛ ajii a nwa a le jee chi nyanɲ yiyu le.

¹⁸ Finɛ le fiɛɛ fi goone bvufɛɛ bvù baanɲ. Muh wù kɛme bvufɛɛ tɛɛn ajii a nwa kanɛ a le jee chi nyanɲ yinɛ wu kêɛ. Ajii a nwa kanɛ wo lɛme fɛ jee chi muh wu wunɲ le, ba tanɲ lɛ, (666).

14

Mwa Shonɲ bɛ bamii ba 144,000

¹ Bɛn yêgɛ bɛn yû, ndoo nka mbijɛ, nja n'yɛn Mwa Shonɲ le wu lɛme yi mbegɛ wu Sayonɲ le, bɛ bamii banchvuge gwii kicho mbaanyɛ ncho banɛh (144,000) bo nyume bɛ wu. Bamii banɛ le ba gè kɛme njinɛ wu jee che bɛ chi Chiji fɛ bo jii.

² N'yu jɛ too fɛwe yi yode nje joo yĩ gwee a kinɲonɲ le, yi kfuunɛ tɛ nje jan yĩ mgbwame. Jɛ yĩ ngè n'yu yiyu gè jɛme tɛ nje chikome chĩ bamii kude.

³ Bo gè yɛnɛ nkee wumu wù fwɛnɲ fwe a kala bɛ mwɛɛ mu wunɲɛ mù munɛh mwɛɛ mo bachɛ baa. Gɛ gè tanɲo muh kɛɛ nkee wuyu fedɛ bamii ba banchvuge gwii kicho mbaanyɛ ncho banɛh baa gɛ. Le bo ba ba gè sunɛ wa chiaanɲ yi kimbefɛ le yi nshɛnɲ le.

⁴ Banɛ le bamii ba gè baan a chɛnɛ gɛ ye yiboo bɛ bikɛsɛ gɛ, nje gɛ bo gè kee wa bikɛsɛ gɛ. Le bo baa bo to bo bii Mwa Shon le, mo faan fɛ wu gè gɛnɛ fo. Bamii banɛ le ba bo gè sunɛ antɛnɛɛ a kingogɛ ki bamii kichii bo nyume nje muntan mù fwɛɛle fɛ Nyo le bɛ Mwa Shon.

⁵ Chimbian gè baan a yu gɛ chi bu jwe wuboo le gɛ. Bo nyume fiboo ngilɛ sɛn.

Njɛmɛ wù banchɛndaa ba Nyo ba batɛde

⁶ Nka nja n'yɛn nchɛndaa wu Nyo wumu le wu fuune antɛnɛɛ a kibvulɛ. Wu gè kɛmɛ saaka wù jonɛ wù kage gɛ ki wu fɛjɛ bamii ba le yi nshɛn le bachii. Wu gè bɛɛ ki wu fɛjɛ bitun le bichii, bɛ bantɛ bachii, mo bamii ba jɛmɛ mo jé yí la mo bamii ba la bachii.

⁷ Nchɛndaa wuyu jan fɛwɛɛwɛ lɛ, “Bɛn fáane Nyo bɛn tũmɛ mankun mɛ, nje kifɛ ki nsa wɛ le ki to ka ki kojɛ. Bɛn nyáa mbɛɛnɛ wù baan wu le, le wu wù gè fɛ kibvulɛ bɛ nshɛn mo joo yí baan bɛ manjuu mà joo bude mo le.”

⁸ Nchɛndaa wu Nyo wumu wù kinfɛɛ, tu wu bii wu le, wu duu lɛ, “Babilon wù baan le wu gwe wa, wu le wu gwe wa. Le wu wù gɛ bitun bichii bi mu kinche kɛ ki kinjan nje mbvuun.”

⁹ Nchɛndaa wu Nyo wumu wù kintɛde mo wu bi tɛ bo le, wu tu wu jan fɛwɛɛwɛ lɛ, “Nɛ muh mon lo wu nya mbɛɛnɛ wù baan nyan yí kuufe ye yɛɛ le bɛ fimoo so fi nyan yi yu le, wu kɛmɛ tɛ njinɛ fɛ jii kɛnɛ yi kibo le,

¹⁰ tu wu lé wu gɛ wu mù shén yi Nyo yí bɛɛnɛ nje no muh to wu muu mbvuun. Shén yi yu le wu chinɛ a finkoo fie fi shén yí toonyɛ le wu baan fiinɛ gɛ.

Wɛɛ muh lé ba nyume ba gê ba nôŋ wu a fiɛɛ le, fi fiɛɛ nje munƙaŋ, wu yêne nge yo. Fine fiɛɛ lé fi gê fi nyume fwe a banchɛndaa ba Nyo ba yuude bɛ Mwa Shoŋ.

¹¹ Munjige lé mu gê mu bêene gɛh lo segechii mu ya kage gɛ, fɛ ba noŋ bo nge le. Gɛ bamii banɛ bo nyaa mbɛɛnɛ wù baan nyan yi kuufe ye bɛ fimooso fi nyan yiyu mo bamii ba kɛme njinɛ wu jee che le bo ge bo kɛmɛ nfufe shɛŋ yi nge wuboo le mo fɛnshɛ kɛnɛ antaŋ gɛ.”

¹² Fine fiɛɛ gɛɛne fɛ bamii ba le ba Nyo le, bò gɛɛde banchi ba Nyo, bo leesɛ fitele yi Jiso le, lɛ bo kɛme ki bo kâaŋ shɛŋ.

¹³ Nja n'yu jɛ jɛme won wu Nyo le, yi duu mɛne lɛ, “Sân fine: Kɛge yi mɛɛse le gɛɛne lo njoŋ wù baan le fɛ bamii ba kwe bo nyu bo taasɛ wa bɛ Tada le.” Kiyɔ ki Nyo toon lɛ, “Kinlanye kɔ baan le fɛ bo le nchiɛŋ, nje bo lé bo fûfe yi malon maboo le, gee chiboo chi jone bii bo le.”

Ngweje wù le nsa wu Nyo

¹⁴ Bɛŋ yêgɛ bɛŋ yû, nja mbijɛ n'yɛŋ kimbe ki baan lo le, muh shii yi kimbe kiyu le wu fiɛɛne muh wù jee che le Mwamuh. Wu gè boon kifo ki bvunfon ba kɛnyɛ bɛ kichwa ki bigɛ kɔ yɛɛde, wu kɛme finyoo abo fi nyume nje fi yuun, fi koode.

¹⁵ Nchɛndaa wu Nyo wumu ja wu bu yeh yi kintanyɛ le, wu wan muh wɛɛ wù gè shilɛ yi kimbe le, fɛwɛɛwe wu jɛmɛ lɛ, “Nêjɛ finyoo fiun wo gwêjɛ, ngweje yu. Kife ki ngweje le ki kojɛ ka, kikwɛɛ ki nshɛŋ le ki ta ka chuule kɔ ba gwêjɛ.”

¹⁶ Noo, muh wɛɛ wù gɛ̀ shilɛ yi kimbɛ le mo wu jisɛ finyoo fie yi kikwɛɛ ki nshɛɲ le, wu fɛ gwejɛ yu yi nshɛɲ le.

¹⁷ Nchɛndaa wu Nyo wumu ka wu bu yeh yi kintanyɛ yi fɛwe le, wu kɛme tɛ finyoo njɛ fi yuun abo fi kooode.

¹⁸ Nchɛndaa wu Nyo wumu mo wu bu fɛ kitana ki kintanyɛ le nyume wù kɛme bvunɣa a ngu we. Wu wan fɛwɛɛwe wumu wɛɛ wù gɛ̀ kɛme finyoo fi kooode fiɛɛ le ɛ, “Nêjɛ finyoo fiun wo sùume bibinɛ bi muntan mu mbvuun yu yi nshɛɲ le, nje muntan muyu le mu yɛɛde wa.” *

¹⁹ Nchɛndaa wu Nyo wumu mo wu jisɛ finyoo fie yi nshɛɲ le, wu suume muntan mu mbvuun ma yi nshɛɲ le, bo baanyi, bo chvuge bvujuu bvù baan bvù ba soone mbvuun fo le, finɛ duunyi fiɛɛ fi shɛɲ yi Nyo yɪ bɛɛne yɪ wu lé wu gɛ̀ fɛ bamii le.

²⁰ Bo tu bo soone muntan mu mbvuun mayu bɛ bikaa akfuun a kilaantɛɲ le, bude kilɛmɛ, ki yisɛ ki bɛɛɲ ki bu njɛ fɛ jwe wu nyambala le, ki lɛɛɲ ki gɛɛne, ki gɛɛɲ ki bu njɛ bama gii yifɛɛ.

15

Banɣɛ ba bvusooshwi ba le ba kimɛsɛ

¹ Nka nja n'yɛɲ kfuu chi fiɛɛ fi jwe wù yunɛ fimi le fɛwe, nyu lo kinɣha ki fiɛɛ kɪ baan. Gɛ̀ bee banchɛndaa ba Nyo ba bvusooshwi bô kɛme banɣɛ bvusooshwi ba le ba kimɛsɛ ki bo nyá bamii le, nje bo banɛ le ba Nyo lé wu gɛ̀ wu mɛsɛ wu dúnɣɛ shɛɲ ye yɪ bɛɛne bo le.

* **14:18** Muntan munɛ le a jé yi bala le le “Gleb”.

² Nka nja n'yɛɲ fɛɛ fimi le fi fɛɛnɛ joo yɪ baan yimi yɪ le ba fiɲsɛ bɛ ɲgu, yi yuude nɛ mijoo. Bamii bamu lɛme mbebe joo yɪ baan yiyu le bo nyume bo so wa nyan yɪ kuufe ye yɛɛ bɛ fimooso mo ajii a ɲwa a le jee chi nyan yiyu. Bo gè lɛme fo bo kɛme chikome chi Nyo chiaaɲ le,

³ bo yɛɛnɛ ɲkee wu Musɛ wù muh lɛme wu Nyo bɛ ɲkee wu Mwa Shon. Bo gè yɛɛnɛ lɛ,

“O Tada Nyo wù Kɛme Bvunɲa Bvuchii,
mwɛɛ mù wo gee le mù baan bɛ mu kingha.

Wo le Nfon wu bitun bichii,*

je yɪ wo gee mwɛɛ yo le yɪ chaan bɛ yɪ nchiɛɲ.

⁴ O Tada, muh wù taɲlo wu gɛ ka wu fâane wo gɛ,
ki wu tûme maɲkun mwun le yɛɲ?

Le gɛh wo maa wù yuude.

Bitun bichii lé bi gè bi tóo bi nyâa mbɛɛɲsɛ wù baan
wo le,

nje bo le bo yɛɲ mwɛɛ mù wo gee le mu nyume
chaan.”

⁵ Ajin ayu nja mbijɛ, n'yɛɲ ba gwenyɛ yeh yi kintanyɛ yɪ fɛwe nyume chun yɪ duunyi lɛ Nyo le bɛ bamii.

⁶ Banchɛndaa ba Nyo ba bvusooshwi ba gè kɛme banɲɛ ba bvusooshwi baa mo bo bu yeh yi kintanyɛ yiyu le. Gè bee bo jii nju yɪ baan yi lale, bo kaan chin'wa yi gvûu le ba kɛnyɛ bɛ kichwa ki bige kɪ yɛɛde.

⁷ Fiɛɛ fimimia ɲgoo yi mwɛɛ mu wunɛ mù munɛh mwɛɛ mu mo mu nya bintee bvusooshwi banchɛndaa ba bvusooshwi baa le ba kɛnyɛ bɛ

* **15:3** Banwa ba kege bamu kɛme lɛ, “Nfon wù segechii”, bamu lɛ, “Nfon wu bamii ba le ba Nyo.”

kichwa ki bige kɪ yɛɛde. Bintee biyu gɛ̀ bee bi yisɛ bɛ shɛ́ŋ yɪ̀ bɛɛne Nyo wù le segechi wu kage gɛ.

⁸ Yeh yi kintanyɛ ja yi yisɛ lo bɛ munjige mù jade fɛ n'yulɛ wu Nyo le bɛ fɛ bvunɔa bwe le. Fi mo fi nyume lɛ gɛ tanlo muh gɛ ka wu lɛe yeh yi kintanyɛ yi Nyo le gɛ, gɛɛne bude no banɔe ba bvusooshwi ba banchɛndaa ba Nyo ba bvusooshwi baa gɛ̀ kɛme ki bo nyá bamii le bo ka.

16

Bintee bɪ̀ bvusooshwi bi shɛ́ŋ yɪ̀ bɛɛne Nyo

¹ Nja n'yu jɛ yimi jɛme fɛwɛɛwe yeh yi kintanyɛ yiyu le banchɛndaa ba Nyo ba bvusooshwi baa le lɛ, “Bɛŋ gɛ́ɛŋ bɛŋ chvú shɛ́ŋ yɪ̀ bɛɛne Nyo yɪ̀ le bintee bi bvusooshwi biɛɛ yi nshɛŋ le.”

² Nchɛndaa wu Nyo wù fwe mo wu gɛɛŋ wu chvu ke kintee ki shɛ́ŋ yɪ̀ bɛɛne Nyo yi nshɛŋ le. Bin̄kogo bɪ̀ kuufe ye bi yuune, bi koo bamii ba gɛ̀ kɛmɛ n̄jiŋɛ wu nyan yɪ̀ kuufe ye yɛɛ bo nyaa mbɛɛŋsɛ wù baan fimooso fi nyan yiyu le.

³ Nchɛndaa wu Nyo wù kin̄gane kin̄fɛɛ chvu ke kintee a joo yɪ̀ baan le, joo yiyu kaasɛ yi tu yi nyume n̄jɛ kilɛmɛ ki kin̄kwe ki muh. Fiɛɛ fichii fi gɛ̀ chee a joo yiyu le kwe.

⁴ Nchɛndaa wu Nyo wù kin̄gane kintɛde chvu ke kintee a jóo yi bohge le mo manjuu ma jóo bude mo le, yi ja yi tu bilɛmɛ.

⁵ N'yu Nchɛndaa wu Nyo wù jiin̄ɛ fɛ joo le jɛmɛ lɛ,

“Nyo, wo le Nyo wù chaan yi je yɪ̀ wo suunɛ bansa banɛ yu.

Wo wù le mɛɛse, wo gɛ̀ bee wa.

O Nyo, wo wù yuude.

⁶ Bamii banɛ le ba kilɛmɛ kɪ bamii ba le bun,
mo bamii bun ba ntun le fɛ bo bo.
Wo mo wo nya kilɛmɛ bo le, bo mu
Finɛ fiɛɛ le nlanɛ wuboo kibɛɛ.”

⁷ Nja n'yu jɛ bu fɛ kitana ki kintanyɛ le yi toonɛ le,
“Ɛɛ Tata Nyo wù Kɛmɛ Bvunɔa Bvuchii,
wo suunɛ bansa bun wo bii je yɪ nchiɛɛn le bɛ yɪ
chaan le!”

⁸ Nchɛndaa wu Nyo wù kingane kinɛh chvu ke
kintee nyu yi juu le, juu kɛmɛ bvunɔa chi toonyi
bamii nje ngu.

⁹ Ntoonyɛ wù baan wù gè bude yi juu le tu wu
toonyi bamii. Geenɛ, bo fan ki bo kùsɛ muntele
muboo, ki bo bɛɛnɛse bvukuun bvu Nyo. Bo tu bo
chɛnɛ lo bɛ jee chi Nyo wù kɛmɛ bvunɔa bvu banɛ
banɛ.

¹⁰ Nchɛndaa wu Nyo wù kingane kitɛn chvu ke
kintee nyume yi kala wu nyan yɪ kuufe ye yɛɛ le,
won wù nyan yiyu gè sage ja wu tu kijibɛ. Bamii tu
bo nyume yi malun le bo lume alɛmɛ aboo.

¹¹ Bo ja bo tu bo naanyi lo Nyo wù le fɛwe, nje
nluje bɛ binɔkogo biboo. Geenɛ, bo fan ki bo kùsɛ gee
chiboo.

¹² Nchɛndaa wu Nyo wù kingane kinsoo chvu ke
kintee nyu joo yɪ baan yi Yufleti le, joo yiyu mo yi
yunɛ, ki yi kɛnyɛ je yɪ banfon ba jade a kimbe ki juu
saane yo ki bo fɛ yo.

¹³ Nja n'yɛn biyo bɪ yiide bimi le bitɛde bi fiɛnɛ
bichiaanɔ. Bi bude jwe wu kinga ki nyan yɪ fiɛnɛ
nyan joo yɛɛ le, bɛ jwe wu nyan yɪ kuufe ye yɛɛ le,
mo jwe wu muh wu mbiane le wu le muh wu ntun
wu Nyo.

¹⁴ Biyo bine le banchɛndaa ba debele. Nyume bi bɪ gee mwɛɛ mù duunyi bvunɔa bvuboo. Bi jienyi bi gɛene fɛ banfon ba bitun bichii ba yi kikwɛɛ ki nshɛn le, bi baanyi bo le bo sɛese jɛn yɪ lé yi gɛ yi nyúme yi juu chí baan chi Nyo wù kɛmɛ bvunɔa bvuchii le.

¹⁵ Jiso gè jɛmɛ le, “Bɛn yêgɛ bɛn yú, nlé ngê njâ ntô nje chon. Kinlanye kɪ baan le fɛ muh wù lefe gɛ le, wù kɛme njú ye ye le wu le keefe wu gɛ wu já wu bú kichine kiyese bamii yêne kichine ke le gɛ.”

¹⁶ Biyo biyu mo bi baanyɛ banfon bayu fɛ kijusɛ kɪ ba tɛnɛ a jé yi Ibulu le le Amagedon.

¹⁷ Nchɛndaa wu Nyo wù kingane kinsooshwi chvu ke kintee kɛɛ we yi fii le. Jɛ yimi bu yeh yi kintanyɛ le fɛ kala le yi jɛmɛ fɛwɛɛwe le, “Fi ge wa ye!”

¹⁸ Jan ja yi tu yi lale, yi ngbwame, yi kfuune, nshɛn shinshi bɛ bvunɔa baan. Gɛ kfuu chí wɛɛ shinshɛ wù nshɛn gè shinshɛ bɛ bvunɔa baan nɛ gɛ nyu wa yu gɛ, kɛge no muh gè kɛ wu nyume yi nshɛn yinɛ le. Nshinshɛ wuyu gè kuufe ye baan.

¹⁹ Kilaantɛn kɪ baan badɛ ki bu bimbe bitɛde. Bilaantɛn bi bitun tu bi keeshi. Nyo gè bee wu kwajɛ kilaantɛn kɪ baan kinɛ kɪ Babilon, wu nya fin̄koo fi shɛn ye yɪ bɛene wu le, wu sele.

²⁰ Bitun bi a joo antɛnɛɛ bichii fɛɛ lo, bambegɛ tɛ lɛsɛ lo.

²¹ Abe a baan baan tu wo gweeyi fɛwe chimimia chi jiji nje bakilu mbaanyɛ. Abe ayu gweeyi yi bamii le. Bo tu bo naanyi lo Nyo, nje wu le wu chiin̄sɛ ngɛ wu abe fɛ bo le. Wunɛ ngɛ gè kuufe ye baan.

17

Kɪŋkɪfɪŋ ki kwɛsɛ wu kɪnjikuu bɛ nyan yɪ kuufe ye

¹ Nchɛndaa wu Nyo wumu antɛnɛɛ a banchɛndaa ba Nyo ba bvusooshwi ba gɛ̀ kɛmɛ bintee bi bvusooshwi biɛɛ ja wu to wu jɛmɛ mɛnɛ lɛ, “Tô ndûnyɛ wo kfuu chi ŋgɛ wù ba le ba nyâ kɪŋkɪfɪŋ ki kwɛsɛ wu kɪnjikuu wɛɛ wù le wu shii yi jóo yɪ duude le.

² Kwɛsɛ wunɛ le wù bɛ banfon ba yi nshɛŋ le fɛnɛ gee kinjan, kinche ke ki kinjan kinɛ le ki koo wa bamii ba yi nshɛŋ le fɛnɛ nɛ mbvuun̄.”

³ Nchɛndaa wu Nyo wuyu ja wu jo mɛ, mɛ nyume chiaaŋ yi Kiyo ki Nyo le, wu gɛɛŋ bɛ mɛ nchvuun̄. N'yɛŋ kwɛsɛ wumu le wu shii yi nyan yɪ kuufe ye le yi yɛɛde nɛ ŋganyɪŋganyɪ yi yisɛ lo bɛ ajee ye ye le yichii a chɛŋɛ bɛ jee chi Nyo lɛ. Nyan yiyu gɛ̀ kɛmɛ bikwɛɛ bvusooshwi bɛ binchoo yuufe.

⁴ Kwɛsɛ wuyu gɛ̀ susɛ ye bɛ njú yi bamii ba baan̄ baan̄ yi yɛɛde lo, wu lale ye le bɛ mwɛɛ mù ba kɛnyi bɛ kichwa ki bigɛ kɪ yɛɛde mo kfuu chi ata a tɛɛmɛ kwa mo mwɛɛ mumu yeye yeye mù tɛɛmɛ kwa. Wu gɛ̀ kɛmɛ fɪŋkoo a wu bo ba kɛnyɛ bɛ kichwa ki bigɛ kɪ yɛɛde fi yisɛ bɛ mwɛɛ mù kuufe ye mo nyien̄ yi kinjan̄.

⁵ Ba gɛ̀ san̄ jee chimi fɛ wu jii, jee chinɛ nyume a ŋgaŋ le lɛ, “Babilon̄ wù baan̄ wù le bwee bikɛsɛ ba binjikuu mo wu mwɛɛ mù kuufe ye yi nshɛŋ le.”

⁶ N'yɛŋ kwɛsɛ wuyu le wu mu wa kilɛmɛ ki bamii ba le ba Nyo ba bo yuuyi nɛ Jiso, ki koo wu nɛ mbvuun̄.

No n'yɛŋ kwɛsɛ wuyu le noo, jwe yun̄ mɛ baan̄.

⁷ Nchɛndaa wu Nyo wɛɛ biɪh mɛne lɛ, “Jwe yune wo nje la? Nle nsɛɛŋ wo fiɛɛ fi nyilɛ le kune kwɛse wunɛ bɛ nyan yɪ kuufe ye yinɛ yɪ kɛme bikwɛɛ bvusooshwi bɛ binchoo yuufe yɪ tuude wu.

⁸ Nyan yɪ kuufe ye yinɛ yɪ wo yɛŋ gɛ bee yu, geenɛ mɛɛse wunɛ gɛ yi baan yu gɛ. Yi lé yɪ gɛ yi já akuu a kintuge kɛɛ kɪ shiide nɛ ŋooŋŋ le, yi bɛɛŋ we yi mo yi gɛɛŋ fɛ ba lé ba lɛɛshɛ lo yi fo. Jwe lé wu gɛ wu yûne bamii ba le yi nshɛŋ le bɛ ba gɛ baan a san gɛ ajee aboo a ŋwa wù bamii ba kɛme kinche le gɛ, kɛge no won gɛ kɛ. Wu lé wu gɛ wu yûne no bo lé bo gɛ bo yêde nyan yinɛ le, nje nyan yinɛ gɛ bee yu, geenɛ gɛ yi baan yu gɛ, yi baan yɪ ka yɪ to.

⁹ Finɛ le fiɛɛ fi goone kikwɛɛ kɪ kɛme bvufɛɛ. Bikwɛɛ bi nyan yɛɛ bi bvusooshwi le bambegɛ bvusooshwi ba kwɛse wɛɛ shile yu. Bikwɛɛ biyu tɛ le banfon ba bvusooshwi.

¹⁰ Banfon ba batɛŋ le bo gwe wa, wu mumwaa baan wu sage, wumu baan a to gɛ. Wɛɛ ge doo wu to, wu kɛme gɛh ki wu nyû yu yɪ kife le nɛ shige.

¹¹ Fi kune nyan yɪ kuufe ye yɛɛ yɪ gɛ bee yu yɪ ka baan gɛ yu gɛ, yi le tɛ nfon, nfon wunɛ nyu wù kingane nyaan, geenɛ wu le ŋgoo yɪ banfon ba bvusooshwi baa le. Wuwɛɛ tɛ doo wu gɛ wu to wu mo wu gɛɛŋ fɛ ba lé ba lɛɛshɛ lo wu fo.

¹² Binchoo bi yuufe bi wo yɛŋ binɛ le banfon ba yuufe ba ba baan a nya gɛ bvunɔga bo le ki bo sâge gɛ. Ba doo ba ghaa bo, bo mo bo kɛme bvunɔga ki bo sâge bɛ nyan yɪ kuufe ye yɛɛ. Geenɛ bo lé bo gɛ bo sâ yɪ ntaŋ wu kife le wu mumwaa maa.

¹³ Bo banɛ bachii bo kɛme gɛh ŋkwajɛ wu mumwaa. Bo lé bo gɛ bo nyâ bvunɔga bvuboo bvu

nsa bvuchii nyan yi kuufe ye yɛɛ le.

¹⁴ Bo lé bo bányɛ bo tɔ́n jɛ́n bɛ Mwa Shon, geenɛ Mwa Shon sô bo, nje wu le Tada wu batada bachii nyu Nfon banfon bachii. Wu lé wu tɔ́n wu sô bɛ bamii be ba wu le wu tɛɛn wu cha bo lɛme bɛ wu segechii.”

¹⁵ Nchɛndaa wu Nyo wɛɛ jɛmɛ mɛne lɛ, “Jóo yi wo be yɛn yi kwɛsɛ wù jii kuu wɛɛ shii yu, le kfuu chi bamii bɛ binchvu bí bamii mo bitun mo bamii ba jɛme mo jé yi la.

¹⁶ Binchoo bí yuufe bí wo be yɛn biɛɛ, bɛ nyan yi kuufe ye yɛɛ lé bo gɛ bo bânɛ kwɛsɛ wù jii kuu wɛɛ. Ba lé ba gɛ ba lôh mwɛɛ mwe munchii wu mɛ gɛh kinyi kiyɛsɛ, ba shôo nyan ye yi ye, ba mɛsɛ ba tɔ́n wu bɛ ngu.

¹⁷ Finɛ fiɛɛ gɛle Nyo a muntele muboo le lɛ bo gɛ fiɛɛ fi wu goone, wu mo wu gɛ lɛ bo kɛmɛ nkɔwajɛ wu mumwaa ki bo nyâ bvunga bvuboo bvu nsa nyan yi kuufe ye yɛɛ le gɛɛn bú no jɛ yi Nyo le yi tô yi kôjɛ.

¹⁸ Kwɛsɛ wù wo be yɛn wɛɛ wu le kilaantɛn kí baan kí kɛme bvunga a banfon ba yi nshɛn le bachii we.”

18

No kilaantɛn ki Babilon gɛ̀ gwe

¹ Ajin ayu n'yɛn nchɛndaa wu Nyo wumu le wu shiide wu too we wu kɛme bvunga bvù baan, n'yulɛ we baan yi kikwɛɛ ki nshɛn le kichii.

² Wu wan fɛwɛɛwe bɛ jɛ yi tɛɛme lɛ, “Babilon wù baan, le wu gwe wa! Wu le wu gwe wa! Wu le wu tu wa kijusɛ kí banchɛndaa ba debele chee fo. Wu

le bvuta bvu biyo bî yiide bichii. Wu le wa bvuta bvu munyii mù nyienɛ bɛ mù ba banɛ munchii.

³ Wu le wu gwe wa nje bituŋ bichii le bi mu wa kinche ke ki nyien yi kinjan ki koo bo nje mbvuun, banfon ba yi nshen le bo ge wa kinche ki nyien yi kinjan bɛ wu. Bamii ba waan bachii ba yi nshen le bo ku wa ye le nje kwa we wù le wu baanyɛ wa wu kfu lo.”

⁴ Nka n'yu jɛ yimi janɛ won wù fɛwe le yi jɛme lɛ,
“Bamii ban, bɛn bú lo yo,
wu lɛ keefɛ bɛn lɛɛ bimbefɛ bie le gɛ,
bɛ lɛ keefɛ bɛn lɛɛ tɛ nɛ wù lé wu gɛ wu tó fɛ wu le gɛ.

⁵ Bimbefɛ bie le bi yiɛ wa bi bɛɛn bi bu fɛwe,
Nyo le wu kwajɛ mwɛɛ mwe mù mbefe.

⁶ Ba gɛ bɛ wu no wu ge bɛ bamii bamu.
Ba lânɛ wu yi gee che le kingane kinfɛɛ.
Ba gɛɛ mbvuun mà le nɛ mun̄koo munfɛɛ,
a fiŋkoo fi wu to wu gɛɛde ma bamii bamu yo,
ba nyâ wu mû.

⁷ Ba fê nɛ bɛ nsaasɛ ba nyâ wu le
gɛh yɛn̄yɛn̄ no wu gɛ chiaasɛ ye a bvukugɛ ntɛnɛ
wu jii kikwɛɛ ke.

Wu shiide wu kfuunɛ gvuu wu jɛme lɛ,
‘Nle Yaa yi kala le,
gɛ mɛ nyume kwɛn̄kfu gɛ,
gɛ mɛ nyume n'yu nɛ mbeede nsoge kikwɛɛ gɛ.’

⁸ No wu jɛme noo, le gɛh no nɛ le wu tó,
yi ye ye le yi juu le chimimia.
Kinchɛn̄ lé ki gwê yi ye ye le, wu bɛede wu soge
kikwɛɛ.

Jɛn̄ lé yi kôo tɛ wu,
ba tón wu bɛ nɛ,

nje Nyo Tada wù lé wu gê wu sâ wu kɛme bvunɔa.

Bamii ba yi nshɛɲ le, lé bo gê bo bɛede Babilon

⁹ Banfon ba yi nshɛɲ le bô gè gee nyien yi kinjan bɛ wu, bo jii ye bɛ wu, bo lé bo bɛede bo fûge sege bo yɛɲ no munjige bɛɛne ye ye le no wu fiee.

¹⁰ Bo lé bo gê bo lɛme lo je yí ndefe le bo faane no bo yɛde ba njiinse bɛ wu. Bo lé bo gê bo châne ye bo jemɛ lɛ, ‘Ey bɛ! Ey bɛ! Babilon, wo wù kilaantɛɲ kɪ baan! Wo wù kilaantɛɲ kɪ kuge! Nge le wu mo wu to gɛh lo ye yo le gɛh yi ntan wu kife le nɛ kimimia?’

¹¹ Bamii ba waan ba yi nshɛɲ le, lé bo gê bo bɛede wu bo sôge bikwɛɛ nje gɛ muh baan yu wù le wu gûde mwɛɛ muboo gɛ.

¹² Gɛ muh baan yu wù lé wu gûde mwɛɛ muboo nje mù ba kɛnyɛ bɛ kichwa ki bige kɪ yɛede kɛnɛ kɪ baan, kɛnɛ mù ba kɛnyɛ bɛ kfuu chi ata a tɛme kwa, kɛnɛ bige bɪ baan bɪ tɛme kwa. Gɛ muh baan yu wù lé wu gûde njú yiboo yí shinɛshinɛ kɛnɛ yí yɛede nganyinganyi, kɛnɛ yí bonɛ, kɛnɛ yí yɛede ghaanɲ gɛ. Gɛ muh baan yu wù lé wu gûde bite biboo bɪ saanɛ bi jonɛ, kɛnɛ mwɛɛ muboo munchii mù bo kɛnyɛ bɛ bige bi kiyoo mo mwɛɛ munchii mù ba kɛnyɛ bɛ bite bɪ tɛme mo kichwa mo kichvu mo ata a lale gɛ.

¹³ Gɛ muh baan yu wù lé wu gûde bite biboo bɪ ba kɛnyi mɛɛ mayefɛ mà gwee wun mo mwɛɛ mù gwee wun mù ba dɛɛde mwɛɛ yu gɛ, mo jiiɲ mo kfuu chi mɛɛ mà gwee wun, mo kfuu chi jiiɲ chimi, *mo mbvuun mo mɛɛ mà munɛ chi agin bɛ agin. Gɛ muh baan yu wù lé wu gûde banaa baboo mo shón

* **18:13** Kfuu chi jiiɲ chinɛ le a jé yi bala le lɛ “frankincense”, kfuu chi mɛɛ mà gwee wun le tɛ lɛ “myrrh”.

mo nyámbala mo bakoto baboo ba nyan chiide gɛ. Gɛ muh baan tɛ yu wù lé wu gúde bamii bawun ba bo gese le le nfa gɛ.

¹⁴ Bo lé bo jême wu le le, ‘Mwɛɛ munchii mù fitele fiun gè bee yi mu le, le mu gɛɛn wa, kwa wo bɛ bvukugɛ bwun bvuchii ka wa, gɛ wo baan wo ka wo yu wo yɛn mu le gɛ.’

¹⁵ Bamii ba waan ba gè gese mwɛɛ bo kade bige chiaan ye le, bo lé bo gè bo lême lo je yi ndefe le bo nyume bɛ nfaan no bo yɛde wu yɛnɛ nɛ. Bo lé bo gè bo wâne lo kwe, bo soge bikwɛɛ bo chanɛ ye bo jeme le,

¹⁶ ‘Yɛ bɛ! Yɛ bɛ! Yii yi baan le fɛ kilaantɛn kɪ baan kinɛ le, ki chi bee ki suse ye bɛ njú yi shinɛshinɛ mo yi yɛde nganyinganyi mo yi yɛde ghaan, yi lale ye ye le bɛ mwɛɛ mù ba kɛnyɛ bɛ kichwa ki bige kɪ yɛde mo kfuu chi ata a tɛme kwa mo bige bɪ baan bɪ tɛme kwa.’

¹⁷ Ba le ba yɛɛɛ lo bvukugɛ bwe yi ntan wu kife le nɛ wu mumwaa?’

Bachiji bikwɛɛ bi mutima bachii bɛ bamii ba jienyi a mutima le mo ba lɛne yo mo bamii bachii ba jienyi a joo bo kamɛ waan, lé bo gè bo lême lo tɛ je yi ndefe le.

¹⁸ Bo lé bo gè bo yêde no munjige flee mu bɛne bo mo bo beede bo duu le, ‘Kilaantɛn kɪ chi bee nɛ kilaantɛn kɪ baan kinɛ le kɪ la?’

¹⁹ Ba lé ba gè ba kfúune kimbvune a bo fwa no bo janɛ kwe bo soge bikwɛɛ, bo beede bo duu le, ‘Yɛ bɛ! Yɛ bɛ! Yii yi baan le fɛ kilaantɛn kɪ baan kinɛ kɪ bamii bachii ba kɛme mutima le bo ku yi bvukugɛ bwe le! Ba le ba yɛɛɛ lo ki yi ntân wu kife le nɛ wu mumwaa?’

²⁰ Bɛɲ ba le wonɲ wù Nyo le, bɛɲ lânɛye fiena yi fiɛɛ fi kooshi fɛ wu le. Bɛɲ bachii ba le bamii ba Nyo bɛ boonɲ ba ntunɲ ba Jiso mo bamii ba ntunɲ wu Nyo bachii, bɛɲ lânɛye nje Nyo le wu suunɛ wa nsa yi fiɛɛ fi wu ge bɛ bɛɲ le!”

²¹ Nchɛndaa wu Nyo wù tɛɛme wumu mo wu ja wu tuu kibwee ki tɛdɛ ki nyume nje jɛnɛ chɪ baanɲ, wu shiishɛ chi shii a joo yi baanɲ le nɛ wuuu. No wu shiishi, wu mo wu jɛmɛ lɛ, “Le gɛh noo no ba lé ba gɛ ba shiishɛ wo wù kilaantɛɲ kɪ baanɲ kɪ Babilonɲ wo shii bɛ bvunɲa nɛ, ba gɛ ka ba yɛɲ lo wo le gɛ.

²² Gɛ ba baanɲ ba ka ba yû lo kome kɛnɛ yolɛ kɛnɛ ndonɲ kɛnɛ sonɲ a wo le yo gɛ. Gɛ ba baanɲ ba ka ba yɛɲ lo muh lɛnɛ fiɛɛ kɛnɛ nyume fi la wo le gɛ. Gɛ ba baanɲ ba yu jɛnɛ jɛmɛ a wo le yo gɛ.

²³ Gɛ kin'yesɛ baanɲ ki ka ki yɛɛde fɛ wo le gɛ. Gɛ ba baanɲ ba ka ba yu lo jɛ yi chiji bvuguu kɛnɛ yi luu jɛmɛ a wo le yo gɛ. Fi lé fi gɛ fi nyûme noo nje bamii ba waanɲ bunɲ gɛ bee bamii ba baanɲ baanɲ ba yi nshɛɲ le, wo gɛ lɛɛde bitunɲ bichii bɛ nfinɲ yo.

²⁴ Le kilaantɛɲ kinɛ kɪ kilɛmɛ ki bamii ba ntunɲ wu Nyo bɛ ki bamii ba le ba Nyo, le chiaanɲ yi ki le. Le ki kɪ bamii bachii ba bo gɛ yuuyi yi nshɛɲ le, le chiaanɲ yi ki le.”

19

Bo nya mbɛɛɲsɛ Nyo le

¹ Ajinɲ ayu, nja n'yu fiɛɛ yode lo wonɲ wù fɛwe le nje le kinchvu ki bamii kɪ baanɲ, fi wanɛ lɛ,

“Mbɛɛɲsɛ nyûme fɛ Nyo wese le.

Le wu wù bvuuse bamii, le wu wù kɛmɛ bvukugɛ bɛ bvunɲa.

² Wu suunɛ bansa be wu bii nchiɛɛɲ le bɛ je yĩ chaan le.

Wu le wu non wa nge yi kin kfun ki kwɛse wu kinjan wɛɛ le,

wù chi chɛɲɛ kikwɛɛ ki nshɛɲ bɛ kinche ke ki kinjan.

Wu le wu chvuu wa kichvuse yi kwɛse wuyu le, ki bamii be ba lɛme ba wu gè yuuyi le.”

³ Bo ka bo kaase bo tu bo wane le,

“Mbɛɛɲsɛ nyûme fɛ Nyo le.

Munjige mù bɛɛne a kilaantɛɲ kinɛ le, lé mu gê mu bêɛne segechii mu kâge gɛ.”

⁴ Bachɛ ba mbaanfiɛɛ ncho banɛh baa mo mwɛɛ mu wunɛ mù munɛh mwɛɛ mo mu gwe mu gɛɛɲ fɛkuu mu nya mbɛɛɲsɛ wù baan Nyo le, wù le wu shii yi kala le. Bo tu bo duu le, “Fi nyûme noo. Mbɛɛɲsɛ nyûme fɛ Nyo le.”

⁵ Jɛ yimi mo yi bu fɛ kala le yi duu le,

“Bɛɲ bachii ba le bamii ba lɛme ba Nyo,

bɛɲ bêɛɲsɛ Nyo wese besabɛɲ,

bɛɲ bachii ba faane wu kɛnɛ nyu ba shige shige,

kɛnɛ ba baan baan, bɛɲ nyâa mbɛɛɲsɛ wu le.”

Nka wu bvuguu bvɛ Mwa Shon

⁶ Nka nja n'yu fiɛɛ fimi fi nyume nɛ jɛ yi kinchvu ki bamii fi yode nɛ joo yĩ gwee a kin kon le, yi wane nɛ jan yĩ ngbwame bɛ bvun ga le,

“Mbɛɛɲsɛ nyûme fɛ Nyo le,

nɛ Tada wese besabɛɲ wù Nyo,

wù Kɛmɛ Bvun ga Bvuchii wu sage wa.

⁷ Besabɛɲ lânɛye, bee sâge, bee nyâa mbɛɛɲsɛ wu le,

nɛ kife ki bvuguu bvɛ Mwa Shon le ki to wa,

Kwɛse wù fwɛɲ le wu seesɛ wa kikwɛɛ ke.

⁸ Ba le ba nya wa nju yĩ shĩeshĩe
yĩ yuude yi lale wu non ye le.”
(Nju yinɛ le gee chĩ chaan chi bamii ba le ba Nyo.)

⁹ Nchɛndaa wu Nyo wuyu ka wu jɛmɛ mɛne ɛ,
“Sɔn finɛ fi le ɛ, ‘Kinlanje kĩ baan le ki bamii ba
ba le ba be bo ɛ bo to fɛ ŋka wu bvuguu bvɔ Mwa
Shon le.’ ” Wu ka wu jɛmɛ mɛne ɛ, “Banjɛmɛ banɛ
le ba nchiɛɛn, nyu banjɛmɛ ba Nyo.”

¹⁰ Mɛ mo nja ŋwe bikaa bie le ki nnya ŋgvunɛ wù
baan nchɛndaa wu Nyo wunɛ le. Wu jɛmɛ mɛne
ɛ, “Keefɛ wo gɛ noo gɛ. Nle gɛh tɛ muh wu ɛme
njɛ wo mo boon ba bwoo ba ɛme yi fiɛɛ fi ba jɛme
kune Jiso le. Wo nyáa ŋgvunɛ wù baan nyume Nyo
le. Fiɛɛ fi ba jɛme kune Jiso finɛ * le gɛh fi kibɛɛ fi
bamii ba ntun wu Nyo gè jɛme.”

Mwa Nyo tun jɛn wu so bamii be ba kimbanɛ

¹¹ Nja n'yɛn fɛwe gwenyɛ, nyambala yimi yĩ baan
ɛme fo. Muh nyume yu ba tɛnɛ ɛ Muh wù ɛme yi
Jɛ ye le bɛ Muh wù Nchiɛɛn, wu to wu suunɛ bansa
be kɛnɛ wu tune jɛn yĩ chaan.

¹² Ajii awe gè bee njɛ ɛmɛ chi ŋgu, bifo bi bvun-
fon nyu a wu fwa wesee. Wu gè kɛme jee ba san yi
ye ye le gɛ muh mu gɛ nyume yu wù kɛɛ chi, fuge
wu sɛn gɛ.

¹³ Wu gè bee wu susɛ ye ye bɛ kikuŋ kĩ ndefe ba
leesɛ a bilɛmɛ le. Jee chĩ ba gè tɛnɛ wu yu le ɛ Jɛ yi
Nyo.

¹⁴ Bamii ba jɛn ba le won wù fɛwe le bo bii a
wu jin bo bɛɛn nyámbala yĩ baan bo jii njú yi
shĩeshĩe, yi yuude yi baan nɛ bvuuu.

* **19:10** Kɛnɛ ɛ, “fiɛɛ fi Jiso jɛme finɛ...”.

15 Nyo yi jɛɲ yĩ kooɗe gè buɗe a wu mu nyume yi yĩ wu lé wu gè wu sô bituɲ yu wu mo wu sâge bi bɛ bvunɣa bvù baan̄. Wu lé wu gè wu bvûsɛ shén̄ yi Nyo wù Keme Bvunɣa Bvuchii wu dunyɛ bamii le. Shén̄ yi Nyo yinɛ yĩ bɛɛne baan̄ le n̄jɛ kiso k̄i ba soone muntan̄ fo mbvuun̄ buɗe.

16 Yi kikuɲ ke le bɛ yi yɛɲ le ba gè san̄ jee che ɛ, “Nfon̄ banfon̄, mo Tada wu batada.”

17 N̄ka n̄ja n'yɛɲ nchɛndaa wu Nyo wumu le wu lɛme antɛnɛɛ a juu. Wu gè lɛme noo wu jan̄ɛ munyii munchii mù fuune wɛ wu duu ɛ, “Bɛɲ tô bɛɲ tâashɛ fɛ n̄ka wù baan̄ wu Nyo ge le.

18 Bɛɲ lé bɛɲ jĩ agvuɲ a banfon̄ bɛ a bachiji bikwɛɛ bi bamii ba jɛɲ, mo a bamii ba keme bvunɣa, bɛ agvuɲ a nyambala, bɛ a bamii ba bɛɛne yu, mo a bamii bachii ba le n̄fa, bɛ a ba le gɛ n̄fa gɛ, mo a bamii ba shige shige, bɛ a ba baan̄ baan̄.”

19 Mɛ mo n'yɛɲ nyan̄ yĩ kuufe ye bɛ banfon̄ ba yi nshɛɲ le mo bamii baboo ba jɛɲ bo taashɛ ki bo tũɲ jɛɲ bɛ muh wù gè shilɛ yi nyambala le mo bɛ bamii be ba jɛɲ.

20 Lɛ jɛɲ kɛ, wu koo nyan̄ yĩ kuufe ye yɛɛ bɛ muh wù gè mbiane ɛ wu le muh wu ntũɲ wu Nyo. Muh wunɛ le wu to wu shee fwe a nyan̄ yiyu, wu gee mwɛɛ mu jwe wù yunɛ. Mwɛɛ munɛ le mù wu gè lɛɛɗe bɛ bamii ba keme n̄jinɛ wu nyan̄ yĩ kuufe ye yiyu ye yiboo le, bo nyaa mbɛɛɲsɛ wù baan̄ fimoooso fi nyan̄ yĩ kuufe ye yiyu le. Wu gè non̄ bo bafɛɛ banɛ bo nyume ba wun̄ɛ a mamasi wù fiee nyu ngu bɛ mun̄kan̄ yo.

21 Wu wù gè shilɛ yi nyambala yɛɛ le mo wu gwooɟɛ kimbeɟe ki bamii bɛ nyo yi jɛɲ yĩ gè buɗe

a wu mu, munyii munchii ji ye yi bamii bayu mu tu mu ɲɛɛɛ lo.

20

Nsa wù biluɲ nchvuge

¹ Mɛ mo nja n'yɛɲ nchɛndaa wu Nyo wumu shiide wu too fɛwe wu kɛme kingwenyɛ ki kintuge kɪ shiide nɛ ɲooɲɲ, mo kibwee ki ncha a wu bo.

² Wu koo kinga ki nyan yɪ fɛɛɛɛ nyan joo yɛɛ nyume yo yɪ kege yɛɛ yɪ le debele yi ka nyume Satan, wu kaan bɛ ncha wɛɛ lɛ yi nyume yu gɛɛɲ bu biluɲ nchvuge.

³ No wu kanɛ noo, wu mo wu non a kintuge kɪ shiide nɛ ɲooɲɲ kɛɛ le, wu faa, wu mo wu laan jwe wuyu lɛ wu nyume yo, wu lɛ keefe yi ka yi jɪɛnyi yi lɛɛde bɛ bamii bituɲ le gɛ, gɛɛɲ bu no biluɲ bɪ nchvuge biɛɛ le bi fe. Ajin ayu ba lé ba kâase ba fâanyɛ yi ba chinɛ yi le yi jɪɛnyɛ gɛh yi kife le nɛ shige.

⁴ Nka nja n'yɛɲ bakala le, bamii ba gɛ̀ shilɛ yi bo le nyume ba bo gɛ̀ nya bansa ba bo sage chiaaɲ yiboo le. N'yɛɲ tɛ biyo bi bamii ba bo gɛ̀ yuuyɛ ba bvuushɛ bikwɛɛ nje bo gɛ̀ feeji kune Jiso mo jɛ Nyo. Bamii banɛ le ba gɛ̀ baan a nya gɛ̀ mbɛɛɲsɛ wù baan nyan yɪ kuufe ye yɛɛ le bɛ fimooso fie le gɛ, bo gɛ̀ baan gɛɛ gɛ tɛ njinɛ wu nyan yɪ kuufe ye yiyu fɛ bo jii gɛ kɛɛɛ chiaaɲ yiboo le gɛ. Bo banɛ gɛ̀ kaase bo tu yu bo tu bo sage bɛ ba Kletu yi biluɲ le nchvuge.

⁵ Bamii ba gɛ̀ kaase bo tu yu banɛ, finɛ nyume mbu wu yi kwe wù fwe. Kimbɛge ki bamii ba gɛ̀ kweeyɛ wa gɛ̀ baan kaase gɛ bo tu yu gɛ, gɛɛɲ bu no biluɲ bɪ nchvuge gɛ̀ fe.

⁶ Bamii ba kɛme njon wù baan bo ka yuude, lé bo kɛme kijusɛ yi mbu wu yi kwe wù fwe wunɛ le. Gɛ kwe yɪ kingane kinfɛɛ ka kɛme bvunga a bo we gɛ. Bo lé bo gɛ bo nyúme bachiji kintanyɛ ba Nyo bɛ ba Mbvuse wù Nyo gè ka, bɛ bo lé bo gɛ bo ságe gɛɛne bude yi bilun le nchvuge.

Ba lé ba gɛ ba lêshɛ Satan

⁷ Bilun bí nchvuge binɛ ge doo bi fe, ba faanyɛ Satan yeh yi ncha le,

⁸ wu mo wu bu wu to wu jienyi wu lɛɛde bɛ bitun bichii bí le yi abu a won a ana le. Bitun binɛ le Gog bɛ Magog. Wu lé wu gɛ wu bányɛ bo, bo séesɛ ki bo tɪn jɛn. Bo lé bo gɛ bo lóone lo nje monshɛn mu a joo yɪ baan le.

⁹ Bo lé bo bú bo jienyɛ bo gɛɛn yi nshɛn le bo gɛɛn kijusɛ ki bamii ba le ba Nyo bɛ kilaantɛn kí le fitele fie le. Geenɛ, ngu lé wu gɛ wu shíi fɛwe wu lêshɛ lo bo.

¹⁰ Bo mo bo kóo debele wu gɛ jienyi wu lɛɛde bɛ bo, bo nɔn a mamasi wù fiee nyu ngu bɛ munkan le, fɛ nyan yɪ kuufe ye bɛ muh wù gɛ mbiane lɛ wu le muh wu ntun wu Nyo le fo. Bo lé bo gɛ bo yêne nge fo, antan bɛ fenshɛ segechii wu kage gɛ.

Nsa wù fɛkimɛɛ

¹¹ Mɛ mo nja n'yɛn kibwee ki kala wumu le wu baan lo, n'yɛn tɛ muh wù gɛ shilɛ yu le. Kibvulɛ bɛ nshɛn ja bo fɛɛ lo a wu jii bo lɛsɛ, bo gɛ ka bo yɛn bo le kijusɛ kimu le gɛ.

¹² N'yɛn tɛ bamii bachii ba gɛ kweeyɛ wa le, ba baan baan mo ba shige shige, bo lɛme a kala fwe. Bo gwenyɛ banwa, bo gwenyɛ wumu nyume wù ajeɛ a bamii ba kɛme kinche. Bo mo bo kɛ bo suune

bansa ba bamii ba gè bee bo kweeyɛ wa, bo bii no gee chi muh gè bee no ba saɲ a baɲwa baa le.

¹³ Joo yĩ baan bvuse bamii ba gè kweeyɛ wa a joo bo to. Kwe bɛ won wu banƙfu bvuse baboo bamii ba gè kweeyɛ wa bo to tɛ. Bo mo bo suune nsa wu muh bo bii yi fiɛɛ fi wu gè gee le.

¹⁴ Bo mo bo non kwe bɛ won wu banƙfu a mamasi wù fieɛ ngu yo. Mamasi wù fieɛ ngu yo wunɛ le kwe yĩ kinƣane kinƣɛɛ.

¹⁵ Nɛ ba gè baan a saɲ gɛ jee chi muh a ɲwa wù bamii ba kɛme kinche le gɛ, ba non wu a mamasi wuyu le wù fieɛ ngu yo.

21

Kibvulɛ kifɛɲ bɛ nshɛɲ yifɛɲ

¹ Nja n'yɛɲ wa nyu kibvulɛ kifɛɲ bɛ nshɛɲ yifɛɲ le, nje kibvulɛ kɪ kege bɛ nshɛɲ yĩ kege gè fe wa, joo yĩ baan tɛ baan gɛ yu gɛ.

² N'yɛɲ kilaantɛɲ kɪ yuude kɪ le Yɛlusalem kifɛɲ ki bu fɛwe fɛ Nyo le ki shiide ki too nje ɲgoon kwɛse wù gɛɛne luu.

³ N'yu jɛ jɛmɛ fɛ kala le fɛwɛɛwe lɛ, “Bɛɲ jɪɲɛ bɛɲ yɛɲ, fɛ Nyo lé wu gɛ wu chɛɛ le wa bɛ bamii. Wu lé wu chɛɛ bɛ bo. Bo nyume bamii bɛ, wu wù Nyo kibɛɛ lé wu nyũme bɛ bo, wu nyũme Nyo wuboo.

⁴ Wu lé wu gɛ wu shô ajoo achii a bo jii. Gɛ kwe baan yi nyume gɛ, gɛ fiɛɛ fimi baan yu lɛ bamii soge bikwɛɛ kɛnɛ bo beede kɛnɛ bo kɛme nsaase wumu gɛ, nje mwɛɛ mù gè shee mu nyume, le mu fe wa.”

⁵ Wɛɛ wù gè shilɛ yi kala le, jɛmɛ lɛ, “Bɛɲ jɪɲɛ bɛɲ yɛɲ, nlé ɲgê mwɛɛ munchii mɛɛse mu tũ munfɛɲ.”

Wu ka wu jemε mene le, “Sân fiεε finε a ηwa le, nje bajεme banε le ba nchieη ba bamii gêε bvufee yu.”

⁶ Wu ka wu kaase wu jemε mene le, “Fi ge wa ye. Le mε Afa, nyume Omεga. Le mε Nkεε, nyume mε Kimεε. Muh wù kindon yune wu, nlé nnyâ wu bε joo yĩ bude fε joo yi kikamε le, yĩ nyaa kinche wu mu wu baan fiεε lanε gε.

⁷ Muh wù lé wu gε wu só le muh wù lé wu gε wu kême mwεε munε munchii nje bvushε. Nlé ηgê nyûme Nyo we, wu nyume mwa yaη.

⁸ Geenε bamii ba faane a muntele le mo ba baan bεη gε, mo ba ghεge mwεε, mo ba yuuyi bamii, mo ba gee nyiη yi kinjaη, mo ba ngaη, mo ba buune banyo bamu, mo bamii ba chimbianaη bachii, fiboo lé fi gê fi nyûme a mamasi wù fiee ηgu yo bε munkaη. Fine le kwe yĩ kingane kinfεε.”

Yelusalem wù fwεη

⁹ Nchenda wu Nyo wumu a ηgoo yi banchenda ba Nyo ba bvusooshwi ba gè kεme bintee bĩ bvusooshwi bĩ gè yise bε banε bvusooshwi ba ajin baa, wu ja wu to wu jemε mene le, “Tô ηgêη ndûnyε wo Ngoon Kwεse wu Luu wù le kwε Mwa Shon wo le.”

¹⁰ Wu mo wu jo mε, mε nyume chiaaη yi Kiyo ki Nyo le, besa wu gεη fε mbegε wumu wù baan le wù ndefe fεwe. Wu dunyε mε kilaantaη kĩ yuude kĩ le Yelusalem, ki bu fεwe fε Nyo le, ki tu ki shiide ki too.

¹¹ Ki gè shiide noo, n'yu wu Nyo wu baan yu wu lale nje tede chimi chĩ lale chĩ ba tεηε le Jasba, wu yuude nε walala nje mijoo.

¹² Kilaantɛɲ kiyu gè kɛmɛ kitan̄ kɪ kuge ki ndefe a we yaga, de nyume yi kitan̄ kiyu le yuufe ncho yifɛɛ, banchɛndaa ba Nyo yuufe ncho bafɛɛ nyume fɛ de yiyu le. Bo gè san̄ ajee a chikfuu chi Ishwala chɪ yuufe ncho chifɛɛ yi de yi kitan̄ kiyu le.

¹³ De chinɛ gè bee a kimbe kɪ juu saane yo le yishɛde, nyume awe awe yishɛde, nyume akuu akuu yishɛde, nyume a juu seele yo yishɛde.

¹⁴ Ata a kichi ki kitan̄ kiyu gè bee yuufe ncho afaa ba san̄ ajee a boon̄ ba ntun̄ ba Mwa Shon̄ ba yuufe ncho bafɛɛ yi ata ayu le.

¹⁵ Nchɛndaa wu Nyo wù gè jɛmɛ mɛne, gè kɛmɛ nfee abo nyume kimban̄ ba kɛnyɛ bɛ kichwa ki bigɛ kɪ yɛɛde. Nfee wuyu gè bee ki wu fɛ kilaantɛɲ kiyu bɛ de yi kitan̄ mo bimbe bi kitan̄ yu.

¹⁶ Kilaantɛɲ kiyu gè bee bimbe binɛh bi nyume yɛɛɲyɛɛɲ bichii, mbvu bɛ ndefɛ we mo ndefɛ kuu nyume gɛh yɛɛɲyɛɛɲ. Wu mo wu fɛ kilaantɛɲ kiyu bɛ kimban̄ ke kɛɛ ki bu bama nchvuge bɛ gii yitɛɲ (1,500). No wu fɛ mbvu bɛ ndefɛ we mo ndefɛ kuu ki bu gɛh yɛɛɲyɛɛɲ.

¹⁷ Wu fɛ tɛ bimbe bi bu ɲkɛɲɛ mbaanshɛ ncho bvusoo (36) yi nfifɛ le*. Nchɛndaa wu Nyo wuyu gè fɛ nyu bɛ nfe wu muh wu wun̄ to wu fege yu.

¹⁸ Bo gè joon̄ bimbe biyu bɛ ata a tɛɛmɛ kwa ba tɛɲɛ lɛ Jasba, kilaantɛɲ kiyu kibɛɛ ba jonɛ bɛ kichwa ki bigɛ kɪ yɛɛde lɛkilɛki ki yuude nɛ walala nɛ mijoo.

¹⁹ Bo gè chon̄ kichi ki kilaantɛɲ kiyu bɛ kfuu chi ata a tɛɛmɛ kwa yeye yeye wo kɛmɛ nchón̄ yeye yeye. Chɪ fwe ba tɛɲɛ lɛ Jasba, chɪ bii fo lɛ Safiya,

* **21:17** kɛnɛ ndefɛ le

chɪ kintɛde lɛ Agɛt, chɪ kinɛh lɛ ɛmelal,

²⁰ chɪ kintɛŋ lɛ Onik, chɪ kinsoo lɛ Kanelia, chɪ kinsooshwi lɛ Klisolit, chɪ nyaan lɛ Bɛli, chɪ bvugɛ lɛ Toba, chɪ yuufe lɛ Klisoblɛ, chɪ yuufe ncho chimimia nyume lɛ Jasin, chɪ yuufe ncho chifɛɛ nyume lɛ Ameti.

²¹ De yi kitan yɪ yuufe ncho yifɛɛ chinɛ ba gɛ fɛ bɛ chikfuu chi bige bɪ baan bɪ tɛɛme kwa yeye yeye yuufe ncho bafɛɛ, bo jo kige kɪ baan kimimia bo fɛ jwe wu kitan yu kimimia. Je yi a kilaantɛŋ kiyu gɛ bee ba fɛ bɛ kichwa ki bige kɪ yɛɛde lɛkilɛki, je yiyu yuude yi bvushi le nɛ nɛ mijoo.

²² Ngɛ baan n'yɛŋ gɛ yeh kintanyɛ a kilaantɛŋ kinɛ le gɛ, nɛ Tada Nyo wù Kɛme Bvunga Bvuchii bɛ Mwa Shon gɛ bee wa yeh yi kintanyɛ yi yo.

²³ Gɛ kilaantɛŋ kiyu gɛ ka kɛme fiɛɛ fi ki goone fɛ juu le kɛnɛ kwii wù baan yo le gɛ, nɛ n'yulɛ wu Nyo gɛ bee wa n'yu wu yo, Mwa Shon nyu wa kin'yese ki yo.

²⁴ Bitun bichii bi lé bi gɛ bi jɛnyɪ wa nyume yi n'yu wu a kilaantɛŋ kiyu le, banfon ba yi nshɛŋ le, lé bo gɛ bo tɔo bɛ bvukugɛ bvuboo a kilaantɛŋ kinɛ le.

²⁵ Gɛ bo nyu bo yu bo ban de yi kitan ki a kilaantɛŋ kinɛ le juu chimimia gɛ, nɛ gɛ akfuun baan ayu a jiime yo gɛ.

²⁶ Bo lé bo gɛ bo too bɛ bvukugɛ mo kwa wu bitun bichii a kilaantɛŋ kinɛ le.

²⁷ Geenɛ gɛ fiɛɛ fi le nɛ fi yuude lo sɛŋ nyu fi gɛ fi lɛɛ a kilaantɛŋ kinɛ le gɛ. Gɛ muh wù gee mwɛɛ mù kuufe ye kɛnɛ wù mbianɛ chimbian nyu wu lɛɛ yo gɛ. Lé gɛ lɛɛ gɛh bamii ba ba le ba san ajee aboo a ŋwa wu Mwa Shon wù ba san ajee a bamii ba kɛme

kinche le.

22

Joo yĩ nyaa kinche

¹ Nchɛndaa Nyo wuyu mo wu dunyɛ mɛ joo yĩ nyaa kinche yi bude a kala wu Nyo kuu bɛ Mwa Shon, yi bohge yi yuude nɛ walala njɛ mijoo.

² Yi gɛ̀ bohge noo yi fede antɛnɛɛ a jɛ yi a ki-laantɛn kiyu le. Kite kɪ nyaa kinche gɛ̀ kuu bimbe bi joo yiyu le bichii. Kite kinɛ to ki yune muntan kingane yuufe ncho kinfɛɛ yi kilun le, ki yune kingane kimimia kimimia yi kwii le.* Binɔkame bi kite kinɛ gɛ̀ bee nche yĩ ba fɛde bamii bachii yu.

³ Gɛ fɛɛ fi Nyo le wu njin nyu fi nyũme a ki-laantɛn kinɛ le gɛ. Lé gɛ nyũme kala wu Nyo bɛ Mwa Shon yo. Bamii be ba lɛme lé bo nyaa mbɛɛnɛ wu baan wu le.

⁴ Bo lé bo yɛde bvushi bwe le, jee che nyume ba san fɛ bo jii.

⁵ Gɛ akfuun baan ajiin yo gɛ, gɛ bo baan bo ka bo goone n'yu wu nyaa kin'yesɛ kɛnɛ juu gɛ, nje Tada Nyo lé wu nyume n'yu wuboo. Bo lé bo ságe njɛ banfon segechii bvu kage gɛ.

Jiso too kife kɪ shige le

⁶ Nchɛndaa wu Nyo wuyu jɛmɛ mɛne le, “Banjɛme banɛ le ba nchiɛn ba bamii gɛɛ bvufɛɛ yi bo le. Tada wu le Nyo wu biyo bi bamii be ba ntun wu le wu tun nchɛndaa wɛ wu tɔ wu dũnyɛ bamii be ba lɛme, fɛɛ fi kɛme ki fi gɛ fi kóoshɛ kife kɪ shige le.”

* **22:2** Kɛnɛ le “Ki yune chikfuu chi muntan yuufe ncho munfɛɛ yi kilun le.”

⁷ Jiso duu lɛ, “Bɛɲ yû, ntoo kife kɪ shige le. Kinlanɲe kɪ baan le fɛ muh wù le wu gɛɛ ntunɲ wu Nyo wunɛ wù le banjɛmɛ ba le a ɲwa wunɛ le.”

⁸ Mɛ wù Jon le muh wù ɲgɛ n'yu wa wu ka wu yɛɲ mwɛɛ munɛ le munchii. Ndoɔ n'yu ɲka n'yɛɲ mu le noo, ɲgwe bikaa bi nchɛndaa wu Nyo le wù gɛ duunyi mwɛɛ munɛ mɛnɛ, lɛ nnyâ ɲgvunɛ wù baan wu le.

⁹ Geenɛ, wu jɛmɛ mɛnɛ lɛ, “Keefe wo môn gɛ. Nle gɛh tɛ muh wu lɛmɛ nɲɛ wo mo boonɲ ba bwoo ba le bamii ba ntunɲ wu Nyo mo bamii ba gɛɛde banjɛmɛ ba le a ɲwa wunɛ le. Wo nyâa ɲgvunɛ wù baan nyu Nyo le.”

¹⁰ Nchɛndaa wu Nyo wuyu ka wu jɛmɛ mɛnɛ lɛ, “Keefe wo nyɪlɛ ntunɲ wu Nyo wunɛ wù le banjɛmɛ ba le a ɲwa wunɛ le gɛ, nɲɛ kife kɪ mu lé mu gɛ mu kôoshɛ le wa mbebe le.

¹¹ Muh wù gee mwɛɛ mù mbefe, wu gɛɛ gɛh mwɛɛ mù mbefe, muh wù gee nyiɛɲ, wu gɛɛ gɛh nyiɛɲ. Muh wù gee fiɛɛ fi kooji, wu gɛɛ gɛh fiɛɛ fi kooji, muh wù yuude, wu mɛ gɛh wu yûude.”

¹² Jiso duu lɛ, “Bɛɲ yêgɛ bɛɲ yû, ntoo yi kife kɪ shige le. Ntoo bɛ nlanɛ, ki nlanɛ muh wuchii yu mbii no gee che le.

¹³ Le mɛ wù Afa, nyume mɛ wù Omɛga. Le mɛ wù Fwe, nyu mɛ kijimɛ. Le mɛ ɲkɛɛ, nyume mɛ Kimɛɛɛ.”

¹⁴ Kinlanɲe kɪ baan le fɛ bamii ba le bo chugɛ njú yiboo, wu lɛ tanlo bo gɛ bo lêɛ fɛ jwe wu kitanɲ le bo gɛɛɲ a kilaantɛɲ kiyu le, wu lɛ bo lé bo gɛ bo kɛmɛ kijusɛ ki bo jɪ fɛ kite kɛɛ kɪ nyaa kinche le.

¹⁵ Bamii ba lé bo gɛ bo mɛ akfuunɲ a kitanɲ le bô gee nɲɛ bvú bɛ ba banɲan mo ba gee nyiɛɲ yi kinɲan

mo ba yuuyi bamii mo ba buune banyo bamu, mo bamii ba koŋe chimbian, bo mbiane chimbian.

¹⁶ “Mɛ wù Jiso nle ntun nchɛndaa wan fɛ bɛŋ le ki wu jême mwɛɛ munɛ mù gɛɛne fɛ bintaashɛ bi bamii ba mbɛmɛ le. Nle Mwa bɛ Bia wu sanɛ a kfuu chi Nfon Dabi le, nyume mɛ Jon yi An'yule.”

¹⁷ Kiyo ki Nyo bɛ Ngoon Kwɛsɛ wù Luu duu lɛ, “Tô!” Mo yɛɛŋ wù yuge jɛmɛ tɛ lɛ “Tô!” Muh wù kindon yune wu wu tô, muh wù goone wu tô, wu kɛme joo yi nyaa kinche wu baan fiɛ lanɛ gɛ.

Ntefɛ yi fɛkimɛsɛ

¹⁸ Nchiise muh wuchii wù yuge ntun wu Nyo wù le banjɛmɛ ba bude a ŋwa wunɛ le lɛ, muh mon lo wu taa fiɛ fo, Nyo lé wu gɛ wu taa banɛ ba njɛme a ŋwa wunɛ le, ye ye le.

¹⁹ Muh mon wu bvusɛ fiɛ a banjɛmɛ ba bude a ŋwa wunɛ le ba le ntun wu Nyo, tu gɛ Nyo nyu wu gɛ wu chinɛ wu kɛme ke kimbe ki kite kɛ nyaa kinche bɛ ke kimbe ki a kilaantɛŋ kɛ yuude kɛ ba le ba san a ŋwa wunɛ le gɛ.

²⁰ Muh wù jɛme kune mwɛɛ munɛ duu lɛ, “**Yi nchiɛŋ le, ntoo kife kɛ shige le.**” Fi nyûme noo. Tada Jiso tô!

²¹ Tada Jiso nyá bɛŋ bachii ba le bamii ba Nyo bɛ nfih. Fi nyûme noo.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337